

世紀小傳卷十一

浮梁文筆坊裔孫

福建按察司副使鰲峰

祥

修

初門赤橋裔孫

庠生

心泉一鳴集

浮梁橫路裔孫

庠生

斗峰本治

韓昌黎云莫為之前雖美弗彰莫為之後雖盛弗傳方氏自雷祖受姓以來冠蓋鱗次勲業蟬聯而顯甲第登仕籍者代不乏人至于忠義孝友儒學隱德或垂于典載徵于文獻歷歷可考使家乘不為紀之則美於前者弗傳於后矣故特分類為之紀以廣其傳俾子孫有所

矜式云

鳴識

類目

方氏宗譜

卷

小傳一

承恩儋爵

奕世簪纓

經濟鴻猷

鷹揚偉績

尚志高賢

科目雄才

敦倫善行

閨闈淑德

黃館俊髦

前紀

承恩儋爵

雷祖本姜姓炎帝神農氏九世孫帝榆罔之太子也時因政

衰諸侯跋扈有永耀僭稱位號蚩尤橫肆靈威祖與弟寔

同軒轅避于姬水之陽遂即姬地起兵擒蚩尤于琢鹿斬

永耀于阪泉諸侯咸服以帝位讓於軒轅受封左相食采

方山因以方為姓薨陪葬帝陵在琢鹿山子三女名節納

為帝妃弟寔封于房陵因姓房

詳見十七史纂

顓天期之長子相高辛氏竭忠効勞封渤海郡公食邑二千戶

灼曇之子也備文武才佐湯王征伐順天應人封六合縣開

國侯食邑三千戶尚公主

羅豈之子也受封洛陽侯食邑二千戶

結玩之子也忠孝兼全文武俱足受封廣陵侯

遠結之子也性敏而嗜學存心經濟竭力王家佐祖乙遷都于耿民得寧居受封永平侯

尚遠之長子也剛毅正直世篤忠貞受封平津侯

譽叡之子也以功封河南公食邑五千戶

琛論之子也從周昭王南遊漢江楚人載以膠舟、解而王

溺遂投于水救之起王屍舍生而取義棄死而急君以功封

河南本邑開國公

奕世簪纓

明雷之長子也棲神物外得仙術清風高節物望攸歸帝召

襲父封邑為農事官 考明為黃帝臣論者列為七聖黃

帝以上寅日齋于首陽山明與力牧從受三皇天文以制

萬神南遊真山巔西登崆峒山見中皇真人又遇廣成子

登且茨受神芝圖還涉王屋得九鼎之道遊雲夢見甯先

生遂登我眉山見真人與聞大道之要 出黃庭

璣明之子也賢良權變穎異不羣襲父爵

倉璣之子也識見高明謨猷炫赫襲父爵

範倉之長子也資性明敏才德超卓襲父封

善範之長子也襲父封爵事昌意恪恭乃職益于萬民

爵善之長子也襲父封高明廣大具瞻百僚

變曉之子也父祖三世預知國事道主師朝臣同歸聖道由

方山徙曲阜

道禮之子也聰明穎異任高辛為大司馬

顯回之子也奇才異術德厚道高佐堯政封河南邑爵方氏
盛稱河南郡本此著三皇五帝異錄

相千期之子也少而神異志慕清高東陟蓬萊方丈西至崆

峒廣成子之室往瀛洲四明山通仙聖之道能驅百邪

父封邑

丹砂越之子也以賢淑有道尚啓王公主

宇瑾之子也襲父封爵

察灼之子也為大司寇

玩運之子也初仕仲丁繼仕外壬歷相兩朝永肩一心碩德

豈功勤于太常

履巖之子也美容儀有志操為大司徒

經濟鴻猷

曉潛之子也見卓才高心廣體胖相少昊有道民雍時和

禮變之子也相顓頊能興雲致雨靜深有謀疏通知事與南

正重北正黎為一時功臣

俊鴻之子也深沉有智宏博多能值三苗亂政與伯益受命

徃征之七旬苗格而車服以庸

千期顯之子也輔帝舜掌農官上順天時下因地利導民以

播之功

越相之子也輔禹導河鑿龍門壺口等處復相啓四十五年

循三正之道順五行之紀忠盡勤王以功咨為雍州牧食

邑二千戶

瑾丹砂之子也時太康滅德羿浞不臣及少康長乃與臣
靡同心夾輔滅寒浞而中興夏室

雲翹之子也弱而超羣長而賢聖輔帝芒為掌教之官敷五

典擾兆民而百姓親睦

調羅之子也輔雍已盡心竭力當中衰式微之運而任維持
調護之功

運調之子也幼有志操文武兼資佐太戊修成湯之政

統威之子也相庚丁為僚宰百官修職億姓咸安

叡渾之子也因紂王失道黎民咸貳遂去商歸周奉至仁以

安天下

景陽倫之子也少負氣節才度過人事懿王外攘四夷內輔

朝政拜義陽侯

溢景陽之子也篤義好施少以才聞鯁直多庭諍

騰禮之子也屬王時拜荊州牧撫字勤勞獨著政績

鷹揚偉績

曇術之子也當夏傑滅德作威敷雲羣黎有蝗如劔而雨灾

異並見故率諸侯歸湯總諸戎事秉旄仗節北伐南征先

聲所及懷德畏威

毅汝遠之子也雄才大畧憂國奉功佐武丁伐鬼方以功食

邑二千戶

倫琛之子也輔穆王征徐偃王有功封邑八千戶

尚志高賢

回俊之子也大道清高棲身物外交許由巢父德合唐堯

請禪位乃讓許由巢父以及于舜與舜同遊咸陽亡隱顯

于不知 劉向集云方回者堯時隱士咀服雲英乃得長

年居五祚山莫知所終夏啓末叩其居求其術回已羽化

而去矣仍以方回印封其尸世人傳云得回一九泥乃可

補天陶淵明集載舜與方回七友並為歷山雷澤之遊戰

國顏鄒歎云堯有七佐舜有七友而尸子只載雄陶等六

人不載灵甫皇甫士安作高士傳云觀其友則雄陶方回

續牙伯陽東不訾秦虛之徒是為七子與戰國策相符

讚曰 方面歸生 隱身五祚

咀服雲英 棲身寂寞

却閉幽室 重関自郭

印固掩封 終焉不落 列神仙傳

按前以明祖與黃帝列為七聖茲以回祖與舜帝稱為七

友則我方氏之祖其黃帝虞舜之徒歟雖曰隱顯不同各

有其志一皆同遊于大塊俯仰于清虛具茨王屋之巔歷

山雷澤之畔清風雅咏不可得而窮其際矣

術康之子也少有夫志相孔甲王不修德諸侯多叛屢諫不

听遂飄然肥遁為幽人之貞

小傳前紀畢 凡四十三條

後紀

經濟鴻猷

方氏宗譜

○叔字溥涵號元老仕周宣王為卿士與召公穆公申伯韓侯尹吉甫仲山甫之徒同心戮力以匡王室當時蠢爾荆蠻在所懲艾王命公曰維爾元老作我卿士董我車徒正我封疆以肅我王庭豈不休哉錫爾命服朱芾慈珩常弁朱裳叔拜稽首曰臣敢不祗承威命以揚王休遂受命為將戎車三千乘臨師講武六軍肅然破蠻獻捷周人作采芑之詩以頌之曰方叔元老克壯其猷全見詩經以功封河南食邑三千戶娶畢氏召氏生子四

讚曰

外平裔夷

內匡王室

峻德偉功

伊呂之匹

○翽傑之子也精曆數善觀天文戰掌七政恒以災異進諫多

警省之功

○望字景高平陵縣人至孝聰明通諸經史善究天文明知圖讖兼隸兵法漢元帝初元癸酉對策高第除郎中兼太史遷太傅成帝和平甲午灾變數起日蝕地震太雨雹如谷遂謝職還田里平帝時王莽篡逆隗囂在南陽與更始起兵相應欲討王莽遣使往平陵聘望為司馬師望至說囂曰足下欲承天順人輔漢而起今所立者乃在南陽王莽尚處長安雖欲以漢為名其實無所受命何以見信于衆乎宜急立高廟稱臣奉祀所謂以神道設教求助人神者也囂從其言遂立廟祀高祖穿坎于庭牽馬操刀奉盤割牲而誓曰凡我同盟三十一將十有六姓允承天道與復

劉宗如懷恩神明殛之移檄徧告郡國與囂率山東之兵
 共二百餘萬據嚴倉守函谷威令四布遂平雍州降安定
 遣將指次而臨西等處皆下之而長安豪傑遂起誅莽焉
 二年更始遣使徵囂將行望以為更始未可知固止之不
 听望以書辭謝而去曰足下將建伊呂之業開不世之功
 而大事草創英雄未集以望異域之人疵瑕夫豈宜
 郭曉想望樂毅故欽承大旨順風不讓將軍以三德尊賢
 廣其謀慮動有功發中樞勲業甫定大勲方集今後又並
 會羽翹比肩望無耆耆之德而猥托賓客之上誠愧也
 望懷介然之節欲潔去就之分終昔背其本二其心昔
 受責勾踐乘扁舟于五湖舅犯謝罪文公亦徇巡于河

上夫以二子之賢勒名西國猶削跡歸愆請命乞身望之
 無勞蓋其宜也後歲餘更始果敗囂遂見殺既歸天水乃
 悔不用望之言矣及後光武即位望大喜曰天下有主劉
 氏復興矣以兵歸光武為河南太守數年病遂免而臨
 焉出囂囂傳及光武紀娶大原刺史諸溫女子紘續緒

按漢高欲誅項羽而董公勸為義帝發喪令院囂欲討王
 莽不望公告以急立高廟蓋以義之所在人之所必服也
 觀望與囂所作盟詞及辭謝書其志務在與復漢紀義槩
 凜然如雪霜而莽賊迄以受誅信矣哉義之所在人之所
 必服也後公以疾告歸詩曰既明且哲以保其身公其布
 之

○紘字子剛博學多奇節文足經邦武足戡亂扶風郡舉孝廉
試上第除北部郎將拜河南太守因王莽篡逆不就職避
地過江左家於歛之東鄉邁山子孫因桑梓焉今嚴州是
也

○儲字聖明雄之次子少失父志甚奇偉有燭幽之神學業勤
苦師傳盡奇之精通經史明辨圖讖講孟氏易善星文占
災異事母至孝盡溫清之禮漢章帝建初四年丹陽太守
周歆舉孝廉徵儲拜郎中出為章句令六年遷阜陵令壬
午七年遷翟陽令遭母喪負土成墳栽松柏嘉木千餘株
感鳳鸞飛翔遶墓之瑞居喪過哀服闋不忍釋郡吏常遣
椽曹賚禮慰之章和元年太尉鄭弘司徒桓典虞詡空克

文亮第五倫等三舉賢良方正公車詣京師對策斬其紛
亂立文武之階為天下第一拜博士尋遷議郎糾彈貴戚
帝奇其鯁直拜雒陽令章和三年擢為大匠卿永元元年
第伍倫奏曰太卿方儲挺秀俊異詰邪摘奸奇才也上善
之拜太常卿黜縣永元五年癸巳六月庚寅日和帝郊祭
公奏曰臣驗星術今日天有大變不宜出郊請更擇日其
日天朗氣清帝責之曰稽數不驗願為臣不盡忠而為是
欺罔耶公對曰臣受先師聖術推驗甚明特時之未至耳
已時當有大災臣性愚直何敢為欺詐使後世傳不忠之
謗乎寧殺身以成名毋貪生而毀行臣死之後陛下當信
臣言即飲鴆而死須臾黑風大雨石雹飛砂折木霧氣障

天不知所往從衛之士死者千餘人壞民房屋不可勝計
帝感其言遣驥騎召公、已歿矣帝甚傷悼追贈太常卿
尚書令勅封洛陽開公祿一千石繒來衣帛漆棺殯皆出
于上禮送還邑葬新安東二里前即廟也又邁山有仙翁
閣娶太常王蔣女子觀之讚之弘之

○起字仙暹任婺知州政行仁厚撫字勤勞民不忍舍遂卜居
清化橫坑官至刑部尚書

○圭字慎整號竹溪初門赤橋昞公之次子生于宋真宗咸平
辛丑幼而聰慧穎異過人讀書過目輒不忘文章日益長
于詩以春秋明經中宋仁宗天聖二年甲子殊科舉戊辰
進士初任青陽令誠民曰善惡吉凶猶影響也為善者得

言恒多為惡者未始不及于凶尔民以為天道難知為善
未必福而不為為惡未必禍而為之豈全身保家之道乎
凡為治政教休明寬嚴相濟專務鋤強遏惡激濁揚清慶
曆辛巳范希文余靖等交薦任崇政殿秘書郎再拜太常
禮院兼尚書事加佑丁酉稱疾致仕辛丑因祖智詠公所
建直橋而硃之遂稱赤橋吳叅政育公賦詩云浮途漂渺
水朝東金魚玉帶錦屏風儲緒故園忠孝老白雲詩礼世
儒宗所居有蓮塘竹溪墩可登可眺乃建亭於上遊息其
間撫竹謳吟涼風時至適意清流可以濯纓遂別號曰竹
溪先生娶金氏封恭人子迪遊道葬赤橋詳派下分註
廷實公諱芳浮梁懌公之次子少穎異警敏善屬文尚義節

不揚勢利以春秋中崇寧四年乙酉鄉試第一登大觀三年巳丑進士授河南柘城縣令宣和巳亥年擢南臺御史副直敢言激濁揚清風裁凜々人咸憚之宋高紹興八年詔侍從臺諫詳奏和金得失於是從官曾開晏敦尹焯御史史方廷實館職胡珵朱松等極詆和議之非出通鑑紹興九年以王倫為東京留守交割地界以方廷實為三京宣諭使公至西京先朝陵寢自永昌而下皆被金人廢掘而秦陵至暴露廷實公解衣覆之歸以白帝秦檜憤嫉欲中傷之出綱目後因致政歸與御史烏田李南甫捨創萬壽觀娶夫人王氏繼查氏側室何氏子五公生于元豐乙酉歿于紹興辛巳葬浮西

欽鎮公行憲六官名欽字敬之號止所文筆坊人宋迪即奇峰公九世孫也少英敏特達博覽群書補邑庠生屢試鄉科不第遇例入補太學生卒業拜山東濟寧州判官時流賊猖獗傷殘州郡殊慘公料民壯督官兵誓死守隘塞賊不敢近九載考績遷福建按察司經歷囊無餘貲官衙什物皆籍之以待代任官臨別時百姓遮道不忍離送別僚屬俱為改容及任福建甫半載例輪撤海舊撤海之役多厚利公避嫌不往以疾致政歸更號南閔退叟享年七十有六以子昂考績承

恩典

勅贈文林郎娶別駕李公女葬福義都地名深渡亥山巳向

生二子長昂次曦

昂公字汝瞻號東溪行萃三五欽公長子也存心易直制行端方由邑庠生補太學生卒業官授北京中城兵馬奉公守法不畏強禦時有巡城御史以私恨置人於法公抗論不屈因以平反人咸服其公直尋遷河南開封府通判時郡有胡姓者乘河決奪民田當道委公勘斷公執法剖斷一無所徇直聲徹上下凡訟有難決者悉聽公決罔不輸服官逾歲適胡黨有將巡按河南者即前巡城御史也公遂致政歸娶程同府公孫女

贈孺人續娶趙氏合葬東里福義都地名遼崗青龍橋知山
曾向生子時宜時叙

選公字汝賢別號水南行萃十三文筆坊人宋迪功即學賓奇峯公十世孫也祖希轍公生父宜之公補邑庠生邃於毛氏之學屢試弗第遂高隱不干仕進而以事業屬諸後裔果以公貴

贈工部郎中公生而穎慧不群經書過目輒神解不忘盡發宜之公書而讀之淹貫子史為文純正中有奇特督學輪翻屢拔冠多士虛齋蔡公尤雅重之嘗檄隨歷閱卷每出試論詢公公條陳如泉湧桴鼓百詰不窮由是文名擅海內而以倫魁擬公正德丁卯領鄉薦明年上春官舉進士簡授浙江烏程令既蒞任即痼瘼民瘼矢心清慎人不敢干以私一念愛民之心獨惓惓焉乃下令召諸父老問民疾

苦九與革宜民輒稱便越三載化行政洽

召入為工部主事甫視事即上疏止營繕議屯田疏通水利以
便漕運歷官本部員外郎即中惟以賦性鯁直不能滄阿
於世竟忤權貴尋遷浙江鹽運同公即日就道不挈家累
而行鹽政肅清會計精明有天下第一清官之譽夫公平
生不以一介受於人故人亦不以一介溷公及卒於宦即
囊無餘貲僚屬為之殮而歸其襯行李不過圖書冠服而
已若公者即古留犢飲水者儔也而世豈多見耶厥後子
繡谷為賢師次子西橋德壽邑庠生孫養吾為名御史序
吾邑庠生覺吾郡庠生足紹公之芳躅識者謂公之發祥
為宜之公潛德之報而繡谷養吾之世濟其

美為公清
白之報云

中字友信號立齋自浮西遷居北鄉長安都橫路幼聰敏性
沉重雖簪纓世胄絕無驕亢氣度隨父任讀書不輟舉進
士第歷任河南採訪使飭憲綱按部風厲不可犯汚吏豪
右聞風斂迹河洛之間肅然華縣安昌鄉安吉里方氏之
梓里也特巡視其地訪拜元老公之墓致政歸創歸隱樓
於居前偕賓客歌遊其中同業計衡畱詩其上捐造洪鍾
于桐林寺葬方家源口

準公文筆坊人少謦敏多奇氣勤力篤學補彥庠卓有聲
中弘治戊午江西鄉試上春官未第越辛酉丁父憂躡踊
哭泣一如禮節三年不改戚容服闋而哀痛尤切也初任
就教於浙之餘姚勤課諸生矜式多士雖餘廣聞人而重

公之道德推公之文章者通縉紳大夫而羣然也九年教諭三典文衡如王守仁謝丕輩皆出公門下考績政最超陞湖廣歸州知州蒞任釐革敝政肅清綱紀恩威並行公明並著鋤強遏惡激濁揚清風裁凜其善政之炫赫于歸州者不可殫述迄五年考滿遂力辭致仕養靜林泉享壽六十有三

浮梁文筆坊魯泉公諱沂字希魯宋迪功郎學質奇峯公十世孫也性峻毅家貧嗜學業春秋嘉靖丙午領鄉薦而上春官未第為養而就教於浙之於潛端架造士科目始盛壬子應河南聘主考試事繼丁外艱丁巳服闋補宣城教葺新廟校太守朱公命主郡邑文會大魁沈徐諸英皆出

門下是冬擢知高淳縣淳當孔道里甲殊疲即減夫馬十之二三舊凡供應上司禮儀及縣官出入膳用年費六百餘金痛革前弊一切以詞訟紙價代焉豪民積攬兌存錢糧逋負尚萬悉以理法開諭完之種馬額田七千六百餘畝又被豪占併群長累逃即查實履畝丈給養馬戶領業歲解駒銀不缺迎王照議與京城舖行辦送毫無所損操江諸院旌嘉倍常庚申黃幕遭盜沉殺捐俸掏屍棺殮民間夜多妖驚帖焚土司暮躬密捕而妖遁鄰境連年水旱瘠孽貸米開倉亟賑先發後聞上司交稱濟變得宜己未壬戌例當入覲兼考績官舍無留貲槩邑士民徃京保留一年各院交薦一十二次僅得

恩逮所生隨有泗州之命長老爭進金贖皆麾不受但酌水一盃而別泗乃祖陵重地修享殿建萬壽醮豎基運碑勞績居多巡撫李公見倭亂甚恐鳳陽高墻未便奏議改築于泗揭稟監司止役黎庶安堵年荒青陽十六里人逃大半至任即下令招撫賣盜易牛與流民耕墾復業州無麥兼蝗為災請捐米豆濟之其壯者日給米一斗捕蝗亦救荒一策也卜千斤強寇渠魁也民罹害極除夕大雪密令民兵搗其窠穴擒千斤梟首貫其妻子又減稅銀資博士弟子油燭永為定規舊存戰馬十八疋年費里甲猥養工食三百餘兩易價湊助海防軍門嘉納撫按交薦一十三章尋轉淮安府同知淮天下都會也首奉檄稽查淮揚徐

沛各州邑及驛遞庫殫慮清理不收一菜時有以模糊之說進者則謝之曰上慢下侵錢糧何出乃照贓坐罪一路驚服漕渠為河水淤塞中有佃戶屯三百餘丈執事者難之朱潘二公檄下督理量工命日捲掃成河運舡至今稱便疏薦永利淮水漲城民苦墊溺請都出帑錢賑貸窮簷呼天盛頌鹽院蘇公委濬鹽河錢糧分毫不染章運同啣之而工已就緒孫鹽法旌薦落成焉任淮二年半時勅侍御譚公檄委浙直查趨庫藏補邊詔進階三級中順大夫公因疾辭政買舟南歸養病樵雲杜門絕俗號為樵雲子娶閔氏繼娶顧氏封宜人子五

崇信義重廉節其賦性也無阿徇無詭隨其素履也敦懿

而不浮和易而不厲其家範也清介以律身直道以與人其官箴也褒封先人以及宜人昭君寵也二十七薦而不獲超陞遇不逢辰也歷官羨任而家無擔石之儲此又噲炙人口羨譽彰於不窮也孟氏云顏子一瓢道同禹稷其公之謂歟

馮撰

文烜公字仲暘號曉山浮梁長壽坊人以書經補庠廩生德行純粹學問優長與鰲峰公皆一時儒林之宗望也嘉靖辛酉科鄉貢任湖廣益陽訓導勤課諸生激揚士類尋陞福建連城教諭尚廉節黜浮靡軌範容度雍如也旌獎有云教善作人才堪任治再陞開封府教授繳憑致仕樂靜養高怡情適性公門自慶賀公禮之外絕無私謁邑侯

至者咸稱為有道君子也娶李氏繼劉氏子四

○祥公字履祥號鰲峰行復四七浮梁文筆坊直庵公之仲子

也性資純慤勤學篤行以易中嘉靖丙午鄉試登丁未李春芳榜進士初授浙江秀水令均賦則核飛詭抑豪右祛姦蠹理冤獄捐已俸置義塚一十七區禁民火葬群弟子員立文會而英才疊出迄今登顯秩者猶多出公門六事允脩詳見去思碑辛亥擢兵部職方司主事巡視都城獲白蓮教偽符籍名甚多公縛其首逆三人送法司餘名焚其籍令解散歸正得全活者三百餘人既而遷賀部員外郎陞武選協司郎中丙辰轉職方正郎欽簡會試考官及提調武舉時南倭北虜交犯疆場日夕籌策贊襄廟謨擒


渠魁王直徐海虜酋俺答宵遁南北抵定績載職方稿本
兵許默齋公論表薦云德性純粹才識優長選將三百而
邊幅各當其才絕無疵議防秋二載而南北悉資其策迄
有成功操持有素屢試而志不渝運籌有方處繁而才益
裕足當大任者也僉議陞卿寺以執法忤權相戊午遷閩
臬副憲是歲監八閩鄉試事竣同中丞王方湖公督兵墮
泉平海賊洪老明年銓曹欲轉閩中學憲權相沮焉遂解
組歸養靜近圃讓祖產分俸餘以厚兄弟創宗祠秩時祭
以敦敬睦立文會造後進以紹前芳比年邑解報荒捐金
率沈署丞議建學之巽峯以助文秀丙子入教三人已歿
九人僉謂文峯之驗今又主修宗譜殫心考索足稱信史

公之為國為家可謂誠矣娶陳氏封安人側室薛氏陳氏
子六人中孚中行皆國學生中和丙子舉人中敬庠生中
豫例貢中選習舉子業自卜壽藏里仁都三望原李家塢
之原壬山丙向祭田二十二畝在壽基前

一鳴撰

有大學術者必有大設施公於昌都士大夫之傑出也煥
歐蘇之詞翰而經緯無窮藏韓范之甲兵而奇正輒效所
謂功績著而道德宏也及以直道見沮解組宦歸分贊兄弟
庭訓子孫則事君之忠相時之智友于之義裕后之仁胥
見之矣詩曰嘉樂君子憲之令德為公頌之保佑命之自
天申之為公祝之

科目雄才



原件短缺

p17

○千公字雄飛號玄英世居嚴州桐廬白雲源肅公之子也廉
 靜寡欲敦重少言其家居孝友尤篤也幼穎異超群即以
 經學行誼知名為文多奇氣警策語貞元丙子以小雅
 詩義入試有司以其唇缺不與科名後遇醫補之遂號補
 唇先生中憲宗元和戊子科以已丑春秋明經及第謁錢
 塘太守姚公閱其詩駭目歛容同遊為友仕至會稽守以
 唐文宗太和戊申稱疾致仕裴度賦致仕詩云清節功名
 德澤存先生風度柳夷君會稽桐廬居逸志鑑湖鶴渚釣
 波心李山甫題云咬水禽露洗松陰院滿清早
 晚塵埃得休去且將書劍侍先生公雖宦歸而甚貧窘志
 意優然凡所寓意必高吟雅詠嘗寄友人詩有句云鶴盤

橋遷池州建德畬師造石橋一所名曰龍源橋娶曹村曹
 氏合葬龍源橋頭南岸癸向
 節字友造萌公四子以小雅詩義登科及第任新州判再任
 南建州同知至淳熙己亥不仕娶流口吳太守仲選公女
 合葬狹源蓮塘墩未向

○盛公字行簡孟公次子世居赤橋家學相承文章秀異值高
 宗紹興壬子當薦舉公娶施氏生子日新甫三日即應薦
 登科以明經及第任荊州巴城尉次任韶州曲江尉三任
 長沙同知續娶瑯琊王氏生子明新遂稱疾致仕喜一家
 團團因名二子曰團曰囿一日與其子謀曰赤橋自祖居
 以來登科第名仕籍者父子相繼兄弟聯芳可謂盛矣但

方氏宗譜 卷二
恐山川之靈秀有限前人之芳躅難繼今欲卜地分居多方毓秀可乎遂擇里於大滄溪之原黃楊溪之墩建雲萃廟造柳陰亭攬一方之勝奠悠久之基偕二長孫而居焉合葬黃楊住後楓林墩丁句

元龜諱文瑞行二十六文筆坊周卿公長子博學洽聞二于詞賦每與弟元煥公赴試必曰讓汝先登元煥公果發宋寧宗慶元戊午解而公後三年膺嘉太辛酉薦授六合令遷湖州安吉守娶洪氏葬田西子應徵

元煥諱文輝行三一號晏然文筆坊周卿公四子志行莊端取予不苟律已雖嚴與人則和易無畦町可親而不可狎自幼以遠大為期兄弟自相師友與伯氏元龜公並稱二

難發宋寧宗慶元戊午解授秘書監丞娶程氏葬湖田都槎湖塘子應福應召應祥祥改應星

應星字德之號奇峰行元一元煥公三子力學砥行銳志科名子史百家無不淹貫中宋理宗紹定戊子鄉試授國子學賓嘗以理性正學訓迪諸生端平甲午真德秀進大學衍義公集諸生為之講明奧旨真公甚嘉獎之欲表薦進秩適以母老致政修德養高為鄉閭矜式稱為學賓先生而不名娶范氏三六夫人享壽八十四歲葬樵溪都蜈蚣城丁句子惠榮惠德惠華

應新字舉之號宜軒行十五浮北隅長壽坊人元正公之長子也中宋嘉定壬午殿元值奸佞作相嘆曰寧為貞士不

為附臣辭疾歸娶鄭氏葬隴源寺背後子鎮鉅

○岳字巨山初門人七歲能賦詩長入郡庠宋紹定五年漕試及別省皆為首荐以語侵丞相史弥遠調南康軍教授未赴丁母憂服闋調滁州教授時淮東制置使趙葵奇其才延至幕府高郵軍亂以制命往戮首惡數人一城帖然葵曰儒者知兵吾巨山也差淮東制司幹官丁父憂服除差充刑工架閣尋除太學正淳佑六年遷宗學博士七年除秘書郎方掃華省中舊弊適趙葵以元戎出守辟充參議郎官差知南康軍時賈似道為湖廣總領與公不合遂力丐祠改知饒州時寶佑丙辰已知之間也景定三年二成病疽卒年六十四官朝散大夫自謂秋崖山人所居堂三

曰福來館氣貌清古音如洪鍾現今有巨山銅圖書翰跡一套貽留赤橋墓在荷家塢住後古老傳云秋崖公生于赤橋歿于荷家塢據此似或然也有秋崖文集傳于世生子姪至孫石以童年進士病故無傳公以姪孫珪入繼子姪

惠華字堯用號潛齋行貴七文筆坊元一公三子性資英粹精博六經中宋度宗咸淳丁卯鄉試時賈似道專權脅主胡元分兵入寇公慨然為避世長往之思娶李氏葬蜈蚣城子渾潤温

希愿字厚甫號若虛浮北隅長壽坊人元延佑甲寅科以禮記選中浙江第二名為雙溪書院講賓進湖口主簿

君玉號如心長壽坊可紹公之次子也以書經中元延祐辛酉科第五名以易經登元至治壬戌進士初授餘姚州判進至襄陽路尹

子敬誠字汝霖長壽坊人廣永樂乙酉科鄉貢天啟以監選授諒江府同知後以州陷歿于官

衡字季燁行聖三北隅長壽坊人登永樂戊子科鄉貢授北京刑部清吏司主事

崇號貞白行秩二浮梁長壽坊人以易經中宣德壬子科魁任河南開封府教授

廷震諱彥震行肇十三文筆坊存京公四子生而穎異傳教釋道之書無不淹貫天文地理之秘靡不深窮志行功成

諸仙人之術以周易發弘治壬子解初授池州建德縣教諭建德父荒解公至群生於學舍晝則立會課文夜分必親至校察勤惰於是連捷三科陞廣東合浦縣令操堅冰玉明察秋毫人稱趙清猷引年致政歸田足不履公門人不敢下以私葬樵溪都楊斛娶李氏子啓發癸

清字廉夫號竹城行萃六八文筆坊人幼失父性資聰敏博學疆記為諸生時著竹先生傳督學徐淶泉公見之奇其才中嘉靖戊子鄉試上春官舟過桐江作子陵詞少師夏桂洲公讀而大加嘆賞稱為江南才子以母老授壽光教諭育才居多擢國子學錄遷荊州別駕以執法與僚藩不合調四川保寧府歷任有声卒於官公為人心極坦夷而

志操堅貞不屑貨利而風致超逸嗜淡泊樂恬退晚好禪
學工於詩文有竹城稿四卷行于世娶季氏生子祚祚生
與幼殤世絕

祥撰

論曰天可必乎則躐壽而顏淵天天不可必乎則紂殄而
文武與將造化無心而人自適逢其會乎合浦公再傳而
至竹城公代稱善人再二傳而弗克續為善者懼矣豈冥
之中別有所主殆未易測與雖然善吾性德吾固有
積善修德盡吾性以復吾所固有人道當然也至於禍
福災祥之降委諸氣數而已豈可責報於天耶

廷舉字俊卿號念溪行盛十九浮梁北郭人高志節優文學
時派濠欲違為國實堅辭不就登嘉靖乙酉鄉試歷太

以文名初任浙江雲和尹復任湖廣安鄉尹俱以清介聞
家無貲畜娶李氏子四

學聖字子誠號養初行節十三文筆坊從龍公子也生于嘉

靖戊子資敏而彊記丰姿敦懿性恢諧與人無涯岸以易

經中已酉科鄉試少年膺薦英傑也任雲南蒙化府判娶

范氏子五

學孟字子醇號養吾行節十五文筆坊工部郎中水南公孫

淮安司訓繡谷公仲子也公生于嘉靖己丑領戊午鄉薦

登隆慶戊辰進士初授行人司行人奉

使藩封者三一毫餽遺無受隨在以清謹聞丁內艱制闋復前職

選福建道監察御史巡視南京江防整法肅紀恩威並著好豪

欽迹江洋以靖未幾浙江臬僉之命下興革利弊議築海
 隄凡水利至要者必曲為之所廟堂方欲大用而勞瘁成
 恙遂以養病歸宏才碩抱未罄一二而遂終正寢可勝惜哉
 中和字子致號粹齋行節四三文筆坊祥公第三子也禮樂
 家承詩書世業總角時即不為嬰兒態賦性端嚴資稟靈
 瑩既就傳勤學力行動以古人事業自期為文不事四六
 士林推之以周易中萬曆丙子鄉貢娶詹太守崑峰公女繼王氏
 鳴盛字子祥號養默行節五六文筆坊人也資敏力學堅於
 進取以易經中萬曆己卯科魁娶李氏繼王氏子三
 廷和字以祥號泰寰行昂九文筆坊人也以詩經中萬曆己
 卯科鄉試娶黃氏子一

敦倫善行

○智詠公字惟佐世居嚴州桐廬白雲源迨乾符己亥黃巢作
 亂祖唐臣公避于歙之篁墩父繼仲公復居白雲源公於
 乾德丙寅由白雲源遷赤橋關蕪開荒建橋修路以勤儉
 而資身以耕讀而貽後和州里濟人利物矜式一方咸稱
 為方長者

○貴實公諱萌赤橋記賡之子存心孝友念子姓分居浮梁鄱
 陽建德等處聚首不常率弟浮梁廷實公修宗譜生歿葬
 娶靡不具載

○孟公字友和貴實公長子也淳厚而不浮和易而不戾繼志
 述事註玄英公掛壁圖

惠公字友惠行圓十五廷實公第五子也性資穎異博學瞻才勵精舉子業元豐七年遷浮西隅文筆坊日與賢士大夫相切磋雖屢舉不第終身手不釋卷汪樞密徹奇其才以兄子妻之享年六十二

堅公字彥固行小三文筆坊起公次子也蹈仁履義濟物樂施娶閔氏子夏卿商卿周卿漢卿晉卿宋卿

周卿公字文叟行八二性嗜讀書不事家人產業敦倫尚義綽有隱德娶臧氏

○叔林公行萬四赤橋千十公之子也志慕清高不羈塵俗因胡元寇亂兵革惚控飄然有遁世之思避地而處見山溪崗巒層疊徑岐徘徊遂結廬寄跡弄月吟風人莫得而窮

其際也子二

○叔明公行萬七初門赤橋千十五公之子也豁達明爽居積殷厚里圩有不給者輒賙之時稱為方金戶云

宗武公字伯清行義五文筆坊人體貌魁梧性資倜儻嘗謂大丈夫生于世不能掇巍科取青紫則當創豐豫之業以遺子孫乃避亂於邑北估口都克勤克儉居積殷盛里有貧困患難急調給之我大明高皇帝定鼎金陵詔天下

郡邑選富而有能者督儲赴京師公與其選完運最先又勅監造廊房三旬輒報績上以公才敏而用物弘仍令出一丁為軍司馬從事北征公即以長子仲仁公應詔其好義忠君如此娶王氏葵魚步都程九嶺

存瑛公諱延尹號朴菴行信十六文筆坊仲麓公第三子米
訥簡重宅心平恕孝友孚于內外謹厚著于鄉評年十六
喪父不治家產幹蠱用譽積功累仁以貽後昆娶金氏
子信公諱遂賢號居易道號樵叟浮梁橫路人五歲失父賴
母鄭氏守節保孤及長操危慮深凡書史經傳靡不洞曉
通星命醫卜而尤精堪輿善封殖晉濟危急施死者棺計
百有二十鑿岑道七費千餘金而大寒岑功尤浩大土人
感其德立廟祀之水旱疾病祈禱輒應砌橋路不可勝計
置施藥館梓樵叟方歲時荒歉出谷以濟貧乏有來償者
悉却弗受至焚人借券一念愛人之心通于天地鬼神舊
基金鳳坵季子尚理所居又卜宅於本里汪坑口距舊居

里許頗華麗扁曰存心堂以居長子尚忠次子尚道公謀
畧果斷人不敢欺迨今后裔克昌皆積德之餘慶也

○谷仁公行一赤橋景云公長子事母氏吳孺人以孝朝夕勤
勞無私藏畜友于弟憂喜共之家庭相處殷然厚忠慤
明决齒德俱崇凡里圩統皆詣公質成焉情協理當人咸
靡、娶汪氏生子金輪金印金安

○谷讓公行二赤橋景云公次子性恢諧個儻不羈事母孝凡
事聽命于兄下氣怡聲絕無疾言遽色娶吳氏生子金陵
金鼎金蘭

以端字伯元行裕廿九朴菴其別號也誠信敦龐不尚浮靡
嘗積倉廩于樵溪都是里遭火災公則傾廩儲以濟之一

日自南庄歸適見一婦人哀哭投于河公急募舡救活之
問其故因夫外往家被盜夫回必置之死故先赴水耳公
遂出谷賙慰之令無恐厥后夫婦感恩無既而人咸稱陰
德焉娶葉氏子二

誠鎮字實之行憲八文筆坊廷通公之長子也丰姿超特志
氣英發凡遇事洞燭幾微應酬精當光明慷慨人敬憚
之娶黃氏

文熹行昱五浮梁橫路尚道公之子性純朴雅好讀書嘗設
家塾以訓子弟父病癰三年不愈公侍湯藥如一日未嘗
少懈居喪三年一如古制

○金翰公字茂輝赤橋人資性純朴不事華靡孝於親友於弟
慈於幼鄉間有不給者賑恤之忿爭者和解之時葬祖母
舍一孺人於鄭大橋地形曰猛虎跳澗仙師卜云長房不
利公亦不顧葬後公果沒衆弟姪議以朱村坑下振卿公
墳左送葬焉娶吳氏子昱嵩曼

○金鼎公字茂新赤橋谷讓公之次子也謙抑醇厚無疾言遽
色雖家積殷厚而歛然若無有者尊賢樂善恒與士大夫
交遊王源謝布政重公行誼托為婚姻以女配公之孫榮
娶李氏

○金蘭公字茂春赤橋谷讓公之三子也幼而聰慧長而好義
事諸兄如父同懽樂共患難時有祖壽乙公墳地在本都
墓栢林被福洲吳氏侵占爭擾公奮然不隓私親以力復

之於酒席間捏扁錫鍾叱曰地以安祖嗣以守地棄地棄
祖何以為人敢有與其競者當如此盡吳氏披疲靡墳地獲
全其義理之勇如此娶吳氏生子滿

琬公字翹之文筆坊人號樂善子行升七彥巽公長子也謹
厚讓讓口不道人過失嗜讀書學博而文富幼多疾體不
勝衣謝仕進事寡母誠孝愛二弟鄉里重其學行推為塾
賓教弟子先德行而後文藝娶操氏奩儀頗厚公欲以充
珉瑤二弟定婚之費操有難色公書偽券以給之卒不取
償其重倫厚義如此

古道喪而風俗漓人情重利輕義私妻子薄父母者比屋
皆然矧兄弟云樂善公處不甚裕乃以偽券給內使出其
奩為二弟聘娶俾各有室家畧無德色非惟克念天顯且
繼父志足稱孝友矣世之昆弟較錙銖末利輒相閹墻或
嫉有嗤無坐視兄弟之流離困苦而不恤者相去為何如
哉

○旻公字元高赤橋金輪公第三子也性剛而好義平生無戲
言無情行矩步繩趨動遵法度雖獨處幽室如臨廣衆大
庭之中二兄故長家政悉均有無不私藏畜御諸姪至公
以嚴見憚力加者督之耕資敏者課之學娶孺人許氏雖
出富閨而勤儉力本內外秩如也營葬母氏孺人于本都
七保土名石岑塢有高氏朱氏互來競界訟於官公不少
讓以身先之率子姪結廬墓側嚴守周匝高等雖奸狡變

許百出而公隨機應之終屈于公初艱於嗣年四十一始
生敬尚公生歿葬所詳派分註

○溶公字元淵赤橋金鼎公之長子也木訥重厚坦易寬平
與人無纖毫驕矜之態或有以言侵者公置不較德而且
壽富而好禮子植榮

○浩公字元大號丘山金鼎公次子也敦龐古雅潤澤溫和其
容也鬚髮皓然其行也仁厚渾然其事上也禮度肅然
其接下也情義藹然其興家創業也子孫超然其輸粟賑
邊也冠帶毅然其見稱於閭初之士也既已皆然其無添
於竹溪之后裔也豈不信然見婺源汪思大人讚娶李氏
性淳而和貌粹而溫出於右族適於名門克相歛夫克成

厥子家業隆盛永受蕃祉見汪銘尚書讚生子五

○瀟公字元深號坦菴赤橋金蘭公之子也仁孝寬厚不矜不
隨性倜儻好恢諧議論風生日與士大夫交遊汪思公名
進士也契尤篤其讚公云豐體美鬚其外之偉宏才碩德
其內之充安舒不肆有儒者之氣象平夷無競有古人之
心胸其行已也不立異以為矯其與入也不阿徇以為同
其裕後也篤詩禮之家訓其賑饑也荷冠帶之恩封撫高
於塵俗之表播羨膏於里閭之中是宜其享五福而膺椿
齡之上壽光先業而振竹溪之遺風公之始終大都見矣
子三

彥敏公號謁潭山溪思玉公之次子也性坦夷氣度寬洪儀

容俊逸篤於孝友處人遇物時以兼濟為心恒積廩殷厚
遇飢年輒傾儲以賑鄉里之不給者故年雖凶荒而里無
菜色皆公之道德深而惠澤普也迨今子孫蕃盛皆歸於
公之積德云

仁公浮梁文筆坊人明大孝士李春芳公傳公畧曰公諱仁
字孟德號直菴出周鄉士元老之後漢開國公仙翁裔也
曾太父諱存瑛太父諱彥異父曰琬世抱席珍未售于時
迨公以子職方君貴贈承德郎尚書駕部員外公偉貌豐
頤器度恢弘岐嶷即有大人志群書一日不忘年十六遭
外艱不克治舉子業卓然自樹困而能亨房族欺公幼欲
加戕害公屹然不為所撼弱冠練達世故通古今墳典浩

律治体胸次超然識見高邁不瑣屑細務末利嘗遇
有汪姓者與鄰雀角鄰之人服毒由賴汪貧懼訟欲自縊
抵罪公諭以律法代出金給死者衣冠委曲處分拯貧命
而釋死者怨鄉人皆德之流寇衝邑人民鼠竄紛如公得
遺金一囊于道次日覓金主辨實還之寡孀余氏老而無
子事之如母余感公孝敬臨終不欲立後盡以其產屬公
公辭弗受為擇倫次中貧者承其嗣其恤孤獨矜困窮解
人危難隱德甚多里族有大事不能決必謀諸公公揆義
可否事後成敗若燭照龜卜雅重文儒宗黨子弟嗜學者
公即優禮之隆師教子親賢樂善不惜館穀之費娶吳氏
封太安人子三長初七品散官次祥余同年職方君也三

方氏宗譜 卷之十一
禮 淮府奉祀年五十有八公之後賢才輩積德之報殆
未艾云

○敬尚公字本誠號存養齋赤橋是公之子也素敬畏小心恪
勤祗事守己無外慕絕口不敢言人過資性聰明敏捷好
讀書焚膏繼晷為文下筆立就粹而徒博而不浮日以父
母壽美為憂養志服勞供寒暑伺寢膳齋慄夔也志堅
進取竟以勤苦得疾早年棄養娶張氏孺人雖以富家之
女能儉首抑志無驕無傲仰事舅姑俯育奄息不惟歷變
而不渝抑且處變而有為也子德金

肇毅公字致遠號平原居士橫路人性慈良度宏廓二歲失
時伶仃孤苦氣息奄奄殆盡若敗葉在烈風之中幾何而
不危墜賴母鄭氏苦節五十餘年曲全公命公事母克盡
孝道或有怒則庭跪受責俟其釋方起出入必稟命病則
躬侍湯藥焚香祈天歿則哀毀幾絕居喪盡禮奉葬平原
構廬墓側一十五年或勸之歸公泣曰吾一尺命遭家多
難微母何以至此縱死地下尚不能報其萬一忍棄歸乎

竟卒于墓側時嘉靖庚戌十二月十四日終壽七十有四
早公字汝辨號素菴行萃八五文筆坊人性資朴實動履端
莊輕財好義泛愛親仁處家庭鄉黨之間藹敦睦謙恭之
度年五十縣援為鄉約長解忿治劇勸善懲奸七袞學舉
鄉飲迄八旬 恩錫冠帶日與衆士夫耆英交遊矍鑠如
中年邃養靜滌豈涼德者倫哉娶姚氏子二

珊溪公休寧山溪人諱拱辰字本正魯太父名伯辛大父名思玉父曰彥敏公其仲子也世德相承家聲奕奕莊重而不浮剗方而不泥質直好義遇事敢為居家恒篤于孝友和煦藹然有公藝之風尊德樂道好友親賢尚詩書崇禮義與人言諾重若干鈞鄉里之中無不敬服迨今子孫崇盛賢才聿興皆公之餘蔭也

初公字復初號靜源行復十三文筆坊仁公長子也以恩例授文林郎官重義敦倫篤于孝友見薄俗好貨財私妻子者深恥之自幼能代父勞任家政不營私蓄一切錢谷出入及事之艱難危險皆身肩之自分未能讀書進取力相弟祥公專志文學期大用以光世德兄弟怡怡老而彌

居父喪三年不為樂邑尹黃曉峯扁其堂曰友愛公性剗直人有過面責之無背毀濟善急難不避艱險宗黨有忿爭以一言足判曲直無不服見義必為受人託至廢寢食以忠其事時弟祥公率族建祠公以土木之功難成况費費數千金且人心渙散非老成者任之終不免築室道傍矣庸心綜理輸財効力迨今廟貌尊嚴巍觀一方公之功居也

字公字叔厚別號繡谷文筆坊工部郎中水南公仲子也公幼穎異動學博覽邃養有養為文古雅十六歲考選儒士應試補邑庠生屢試優等食廩時輩稱為書籙僉以大事期之鄉荐九科弗第士林嘆惜為人正大光明存心忠厚遇事耿介剗直不阿不隨與衆和氣春風可掬凡族姻里

聞有不平者公以理論之無不信服水南公歿于宦公聞訃匍匐往任扶柩居喪盡礼事母極孝家遭回祿公無意財物獨抱 勅命及家廟神主奔出致有燃鬚灼背之厄以次子學伊繼兄嗣田產悉與弟案均分畧無纖毫計較之念嘉靖戊午應貢抵京又不第己未授淮安郡學司訓庚申感疾致仕歸不幸卒于途配戴氏生子學孔繼汪氏生子長學孟領嘉靖戊午鄉荐登隆慶戊辰進士初授行人司行人 欽選福建道監察御史贈公如其官次學伊補郡庠生季學周

公受教時有友人員外郎祈川朱景賢公贈五言律云
燕臺霜色裡此別不勝愁壯氣吞雲霧雄文犯斗牛淮

陽千里到桃李四時稠莫倦風前翼冲霄未白頭

禧公字集禧號松峯行復六四文筆坊仁公季子也性穎悟踈通襟度磊落人情物態世故事機無不瑩徹觸之即應舉無窒礙善綜理多謀畧綽有政事之才任文林郎淮府奉祀進階審理府中有難處事必曰就正松峯以故在任十餘年府中無失度 王甚嘉礼重之自幼至長敦孝友事二兄惟謹宗黨事關大体者慷慨先勞無畏難退縮延師教子不吝館谷之費儼然直菴公家法娶甯氏側室胡氏子中正中允中弘

○照公字顯明號蓮塘赤橋植公之子也簡默忠厚心坦夷與人無親方而不滯員而不流雅好讀書尊賢重道竭力孝

養得二親之懽事兄長殷々然愛敬而盡人稱二難娶李氏子一端邑庠生次一蔡公之子山陰縣志云公之孫也○德金公初東赤橋人也幼而敦慤長而坦夷老而端重無爵而人尊之無勢而人憚之行誼修而才猷裕當於古人中求之者也休寧胡鹽院使文孚公作公傳其畧曰公余姻丈也字天與別號橫山讀新安郡誌乃唐玄英先生之後宋太常丞竹溪先生之嫡派也曾太父諱金輪太父諱曼世勤耕讀父曰敬尚公俊異穎悟儒業麟經飽問學志堅進取竟以勤苦棄養未售于時公甫二週賴母氏孺人張氏勵節撫孤開拓先業公承孺人訓守禮義慎言動延師力學分家政就舉業而未遑長有儒者之風光明正直練

達事体恒篤厚於親朋與人交重義輕利急難扶危寧閉宗黨有忿爭有疑難悉質平取決之論以利害可否官詞懇切理義明爽聽之者咸徹骨快心靡不俛首敬服教家族之子弟每回事晚譬援古證今人情物理世變事機開示周悉而尤加矜於不能者奉寡母竭力孝養問寢侍食先意承志頃刻不忍離課督田畝以供衣食騰資山利以為盈餘期繼前人未遂之志延師教子不靳館穀之厚家庭訓誨之間不外禮義詩書忠孝廉恥雖處於風塵浪迹之中而飄然於清高遠引之上或寄跡于竹木或怡思于池魚或藏修于書傳或游玩于丘陵論事風生臨機果決公明信義為族里之宗邑尹曹侯廖侯朱侯屢以耆德敦

請固辭不就迨萬曆五年公論懇至槩學薦揚邑師暨弟子員疏公賢上之姚侯子姓同袍二十餘人互相強促始不獲辭班列縉紳赴冠裳盛會荷 朝廷恩寵儀容渾厚動止雍 環橋門而觀者皆曰齒德俱尊之老也公生于正德己巳以萬曆六年戊寅九月初二日得疾厥嗣一鳴迎醫救治百計弗效及華啓手啓足凝神定性以正而終十月二十日丑時公遠諱辰也壽終七十歲子一鳴邑庠生孫五

○次貞公字惟元號直橋赤橋沾公之子也天性聰明制行純篤以過年失怙賴母李氏堅貞撫養幼習舉子業期大成以昭先德延師親友不吝金幣後師湛其泉錢緒山鄒東郭

諸公遂厭舉子業築室靜圃樂道養真語人曰登仕路朱紫者行聖賢之道而兼善乎天下守立園服麻縷者明聖賢之道而獨善于一身雖隱顯不同而各適於道均也以至諸子百家之書龜筮青囊之術無不遍觀通曉善大書真草篆隸皆得成法事母氏承顏遜志朝夕不怠或被怒則庭跪受誨俟色定而後起遇親朋有不給者捐金濟之館穀食之扶顛持危揚善隱惡坦夷平恕無城府一時縉紳之士皆重之子一儒太學生次一僞一偶一僑

克恪字子成號東溪橫路人也少警敏修詞藝苑每有司考校輒有嘉竟以疾廢尤長于詩有東溪詩稿性英迈剛正恥為詭秘媿媿之態奮然振衰卓然屹立鄉里有訟公什

之人咸帖、遇事雖不閑已利害亦公言激發無所避與人交重然諾腸胃如直繩一視可盡至于臨變應机腹裏豁谷鬼神不能測仲弟早世遺女梅玉公厚嫁之遺男本淪甫半歲公命妾鞠以成立以教以婚愛逾已子長子本治庠生次本淑本洛任家政本滢授儒業

○煇字子明號月潭赤橋橫公長子也豐貌委順平心易性事父母愛敬處二弟怡、晚岐黃濟人甚多不責報存心養性淡泊優游不與世俗上下有友人王中溪詩云主人愛月近潭居月上潭明而不虛方寸圓融渾亦似大都清爽頗相如浮雲夜氣曾無恙霽色春風自有餘之句娶李氏子三

祿字良卿文筆坊人性本純實心亦坦夷貧窘早失怙志莫存立事母孝食力為養弟卧疾終諸凡藥殮悉身肩之愛敬諸叔代勞省疾如事父焉善書勤事族譜宗長鰲峰公嘉其篤行云

學舜字子韶號虞田文筆坊人貌篤心虛情暢行實與人而不流矜而不厲嬉、然可即可愛懇、然愈父愈親幹父之盡克紹箕裘事寡母以孝老而不衰助修宗譜時亦與有力焉娶閻氏子一

文泰休寧山溪人也曾太父諱思順太父諱彥机父曰兆佑世德相承繼竹溪之遺响者也資美而嗜學讀尚書博覽諸子百氏向深致隱探賸索奇藝苑文林嘖、有聲竟以

家政叢身抱璞未試居家篤孝友幹盡用譽承先啓後宗
黨事是非可否咸至取決蓋識見明而信義著也娶胡氏

子三 應祥東十里人諱岩字汝軒別號東川深沉有智敦慤少文

與人交輕財好義平氣怡声動見肝膈無城府易直坦夷
而胸中涇渭自別人不能欺純藝黍稷遠事商賈開拓基

業繩祖武而貽孫謀兄弟之間声應氣求恩好尤篤家庭
雍睦藹然有張氏之風娶汪氏子二

祖沾字伯雨號西郊太父公諱拱辰竹坡文琳公其父也山
溪人出玄英先生之後來自赤橋竹溪先生之派萬四公

所卜居也攬一方之奇鍾百川之秀公於此而篤茲焉幼
而聰敏長而英特學舉子業志期進取竟以父公棄養家

政紛劇不獲售于時然鯤躍鵬搏尚悠揚也教子廷正氏
烏臺首擢塲屋蜚声夙志少伸如取諸寄醇實鎮密處


曹厚而心若虛恢廓縱橫歷經營而才益裕議論風生撥
謀燭照出詞吐氣簡而文質而不俚週旋態度綽有儒風

家庭相與之間雍睦尤篤也暇則琴書卷性吟咏適情神
氣清朗精力矍鑠豈涼德者倫哉娶汪氏出子廷正側室

李氏出子廷幹

裕字子順號敬所魯太父諱日昇太父諱志崇父曰諫初門
縣市賴橋人也資性明敏丰采俊逸簡重而不浮温和而

不厲孝于親悌于長處兄弟以怡居宗黨而恂之凡事



原件短缺

p37

合於義者慷慨敢為善規畫多謀算人情曲折世故紛紜
皆疏通洞徹隨叩而鳴依响而應綽有政事之才加任府
經歷其官声政績當必奏最于異日也娶汪氏子二

閨閻淑德

一鳴識

女子之行敬親也孝婦也節母也義而慈止矣慨自彤
史職廢婦訓姆則不及于家故賢女可紀者千載寥寥
而聞家令姓窈窕淑女至臨變故守禮節白刃不能移
與哲人烈士爭不朽名寒如霜雪亦可貴矣今擬方氏
之賢淑者則或有隱迹韜光泯沒無傳又有限于世疎
之不相及阻于地遠之不相聞畢錄無由也特舉所能
知者而傳之以為夫夫婦婦之懿云尔

若於此終身者和顏悅色以寬慰之去華歛飾以解釋之
而二老之心始得帖席矣何孺人生不逢辰變不旋踵夫
死之明年壬申姑氏故又明年癸酉翁氏故三喪連遺弱
息艱而睥睨覬覦于其旁者扇感動搖鼻奪其節而利其
賞孺人身雖婦女志傑丈夫所見明所守定凡接族黨饋
密周全婉而不隨嚴而不亢剛貞之操愈挫愈堅延師訓
子不吝賞費卒能飭躬礪行超出人表儼然在膽之慈斷
機之風也居常無情容無苟笑治家嚴而有法綜理整然
廣儲廩贏貲多方佃人輸租課者雖更迤人夥輪番數煩
而姓名欠負銖兩不差無論造次顛沛而精明敏達類如
此雖老而坐立起居恒有定所精神壯健如中年鄉里遠

近敬憚之無不識其名者課孫一鳴不為姑惜之愛稍不
如教輒呼庭跪切責之見孫婦李氏慶得內助暨曾孫疊
出始語人曰余後嗣已廣撫孤為不虛矣享壽八十有三
歲

俞氏孺人文筆坊萃八三妻年三十喪夫矢志守孤未幾而
孤亦喪孺人始終厥志不渝初心年逾八十而歿

鄭氏孺人諱閨秀橫路文煇公之妻中墩鄭十一公女也性
莊嚴才明敏十八歲事文煇公早世孺人方二旬有四遺
孤肇毅公適二歲肇英公纔半歲當時母子伶仃悽楚殊
甚乘其危而憑凌之者蜂起外父母怜孺人年少勸改嫁
孺人泣曰夫死守節綱常大義夫家三世早亡尚理公一

脉在此之孤而孤之命又懸於妾妾二女孫何如祖嗣何
植節于飄搖杙隍之中者五十餘年堅貞之操可銘金石
且理家克儉待親族盡禮二公雖孤而訓之甚嚴率之子
克成立而後裔克昌孺人力也享壽七十二歲

○李氏孺人諱椿秀赤橋沾公之妻流口藻公之女也賦性溫

厚端慤純粹筭歸沾公克盡婦道公歿遺孤資公纔二週
孺人時年僅二十三歲堅貞之志毅然難犯織緝撫孤不
事姑惜之愛及孤長為構書舍延師友館穀俸金毫無吝
嗇時有宗女四娘未嫁夫亡志期死殉孺人則朝夕與處
益堅其操即稱德貞氏也迨今烈、皆孺人錫類之徵邑
尹尤公學師張公俱扁表揚事詳完節錄及洪覺山節婦

妙緣孺人文筆坊直養公女也適里仁何取年二十四遺孤
鶴齡甫三歲孺人誓無他志逆棄鉛華杜門撫孤履歷艱
苦教子習舉業儼然无膽斷機之風鶴齡恪承慈訓學問
成章補邑庠弟子員縣尹黃公旌以貞節扁五十而卒齡
亦繼亡烈之苦節竟不及表揚惜哉

○四娘赤橋模公次女自幼聰慧異常性沉靜尚氣節效慕古
人不見見女態熟烈女傳許聘休邑李子宗敏未適而李
痘亡即賣鞋附棺期以必死請於父母曰通名於李即李
家婦也何不送余歸父母以其年少不為然或有勸之更
聘者輒怒曰婦人無二天我雖未入李氏之門親亡人之

面而姓氏既通則神明證之宗廟享之矣昔義者不祥送
髮絕粒不通外人言語為死計者至再至三父母見其志不
可奪令兄弟送往舅家以成厥志織絰針刺以給衣食婦儀
姆則為處女之師鄉閭給式字曰德貞氏綉有尼父聖像丹
鳳魁星諸圖極鮮妍之巧年逾五十邑侯張旌以貞節殊常
扁

○管弟娘休寧上山方氏伊公之女也許聘汪子淮生而穎異長
而賢明行立有常處言語中事幾及年當既笄時淮隨父南
遊荆楚十年不歸鄉隣率皆嘆恨父母常以為憂亦視之泰
然其貧茹苦躬炊爨而孝奉庭園矢志腐心忘歲月而供侍
箕箒平居無怨衆口稱賢及聞淮氏外娶尚恬然不以為怪

日逾月邁玉潔冰清母氏憐之令再擇聘遂浩然不欲苟活
自經而死秉萬古不易之節誓一生無二之心行潔秋霜誰
高皎日邑庠鄉老交呈推府署公旌扁時有方烈女詩云方
家女兒少小時聘與汪家輕薄兒從阿爺往荆楚一去十
載無歸期日征月邁標梅實春去春來摠不知誰知蕩子好
野合忍心結髮忘閨雅傳言荆楚已有嬾却令再聘為人妻
北堂慈母翻成害寧識金石心難移古來從一乃婦道肯使
白壁青蠅虧潛身入房裂艾帛自計經死當斯時凜凜清霜
厲節操皎皎日照心脾嗟哉女子抗高節多少丈夫翻不
鰲峰公閱至此嘆曰四娘當弟二處女也一則從容而就義一
則慷慨而殺身天地靈秀其鍾于斯乎此當合為雙節傳

寧氏孺人文筆坊松峯妻初生一子再誕一女童時相繼亡自
是再不孕孺人危懼乃密娶妾胡氏解衣推食甚厚遇之已
而胡連生三子孺人愛逾已出寢食不什手推乾避濕撫摩
鞠育比胡尤加焉既就外傳朝夕勤劬問寒暑飢渴不少置
孺人性好儉至於三子之飲食衣服則曲徇所欲嘗自解簪
珥華飾助夫蓄產以遺三子無妬無忌孺人不多得也

○ 豐館俊髦

○ 赤橋

惟新

際可

行可

一鑑字明鄉號三墩疏通博古熟于春秋為文不假思索連篇
立就三教九流無不瀆貫七試科場後補國學期進取惜年
限之所謂鐵中錚、儒中佼、者也

一致

一中

時行

時憲

攀龍

一鳳

一鳴

一端字子充號筆峰別號率真先生賦性質實立心光明重義

輕利好與樂施凡與人分財每讓多取少無一毫計較苟且
之私坦夷易直不立城府人有犯之者輒置而不較或謂其
過於讓則語之曰我能讓人人必讓我也我自讓也我今聞人
人必關我我自關也我何為不樂於自讓而樂於自關哉其
人唯、而退腸胃如直繩一視可盡詭秘和媚之態恥不屑
為木訥簡重忠厚信義類如此優文學而先器識者也豈薄
德者倫哉

時祥

一和

一儒

入傳

一經

鳳鳴

鳳來

可立

象斗

繼德

象坤

繼訓

象成

繼統

山溪

文政

廷正西郊公之長子也繼志述事幹蠱用譽恂々其貌怡々其氣恢拓古之心胸奮冲霄之羽翼誠茂才之卓異以白衣而應試允矣君子展也大成此之謂歟

文筆坊

廷權諱吳存瑛公之次子邑庠廩膳生幼有大志尚氣節性端方剛亦不吐柔亦不茹博學洽聞屢試優等六戰棘圍嘗以致君澤民為心天厯其壽臨貢而卒

璉字仲玉號璞齋廷重公之二子邑庠增廣生侷儻磊落多奇氣有口辨論古今事人莫能屈也

鉞

鍾

從龍

從政

鉞鎮字威之號南渡自幼篤學年十四而遊芹通五經六戰棘圍未遂壯志士林惜之平生重義輕利氣量寬洪尤篤于孝悌與兄閻產公得稍勝遂易於兄讓祖居而退處庄舍育兄女而代嫁宦家族衆與外父互爭墳山則解已金以贖之李友托公債銀三十兩貧不能償則變已產以贖之且死無所歸公為厚殮所遺一女公為厚嫁有葉姓者以訟來寓醉置數十金于公書篋中竟亡所在而去後三年公檢書得之識其為葉姓所失者即令人送還至今稱之有堂姪名昌者幼貧無依公教育婚娶後本族與余氏爭親祖墳昌等

迄今族衆德昌者咸歸功于公也公之陰德種々茲特其槩者也嘉靖辛卯年

恩詔冠帶享年六十七歲葬下義合

都白虎橋程尚書墓側已向加壬丙三分娶北隅李太尹女生于成化癸巳歿于嘉靖癸卯二月初十葬東鄉福義都遼

江青龍嘴巽向子四

曠公行華五七字汝賓號約齋退叟公仲子也少穎異好詩

尚書戴恭簡公愛之以其孫女娶焉補邑庠生應鄉試不第

遂輟進取志吟咏自適著有落花詩集等稿重義樂施歲庚

子水災酷甚民絕食公罄家所有粟以濟之多所活全邑侯

少泉汪公聞焉書善鄉約籍以旌之晚年邑舉鄉飲再三始

就沒後人誦其德不衰壽七十五合癸星槎都地名葱草塢

西山卯向生二子長時恭次時敏
曷公字汝暘正直剛斷遇事敢言宗黨事不能決者咸取裁焉
本宗原為祖墳與余氏訟同府楊姓者聽斷偏甚公正言論
辨楊為之沮威

吳公字孔昭氣質溫厚涵養弘深補邑庠生屢科不第而裕如
非甚盛德何以能爾

昂公字拱辰號坦庵崇厚道博群書補邑庠增廣生屢科不第
才德雖優如遇之不偶何

時宜公字惟中少穎異嗜學補邑庠生屢考優第試科不第而
天惜哉

時成公字惟健少有大志補邑庠生才可遠到而不售於時

諱從龍字雲卿行十八桂庭其別號也體貌魁梧德性渾厚事
父母以孝慶兄弟以義與人寬而無忤用財節而能施始庸
心舉業奮跡芹宮惜隘于命而未竟其志悠遊林下課子成
宗族鄉黨咸親而敬之

安行復五九字鎮卿號西泉閩公之長子也素性敦朴不尚浮
華處已以謙待人以恕遇事惟三思而行臨財每見義而取
居家儉約未常輕費而綜理精密立身正大不同流倍而行
止分明自幼讀書學業頗精雖獲茲泮而未得及第因父早
喪遂棄文業而理家務生有三子長學優次學仁三學偉俱
各經營頗能卓立

時春公字惟元銳志上進文學優長試科不第而矢人咸惜之

時泰行復八三字惟謙號受菴曦公長子志敦朴不事紛華行
着已不求人知四試鄉科不第既而受徒聚講遇清淡之士
輒捐貲鬻書籍以贍之遊其門者悉為名士登選舉咸深德
之淹庠四十年及子鳴盛中已卯鄉試遂辭黌宮退處立園
焉 生三子長鳴盛次鳴球三鳴周

時叙行復九十字惟和號少溪昂公之子幼刻意詩書方弱冠
即遊府泮鄉評士論咸推譽之既而薄聲華厭棄舉子業養
晦丘林偕良朋偉士適意舒懷其光霽磊落有古隱君子之
風且恢拓前業不晚年而箕裘丕振生子鳴興嚴課經史嘗
朝夕伴讀至寒暑不撥有立見玉成之志焉

時泰

時敏

廷秀

仲衍

福隆

淇

濬

學易

學敏

學道

學曾

學夔

學伊

學禮

中道字子立號渫泉靜原公長子也警敏嗜學補邑庠爲三員
卓々有声具脫穎之才懷凌霄之志竟以目疾鬱悒弗遂壯
懷教子大韶鼻繼書香以酬夙志問學成章千里材也公性
明爽果決豁達疏通方而不泥圓而不流與人交博信明義
扶困持危人有以事來寄者輒以身肩之事弗濟弗止也酌
是非料成敗明若燭照無或僭差處家庭而孝友尤篤也且
儲蓄有道贏貲多方理繁治劇綽有政事之才惜不得售于
時耳素庸心于宗譜一日請於憲臺叔鰲峰公曰天子有五

牒諸侯有年表大夫有世家士庶人有譜傳世望源流不可
無也我方氏譜系自貴實廷實二公修緝迄今幾五百年不
免於散漫矣幸際叔父德業聞望炫赫當時且崇本有堂追
遠有室

御書有樓建祠睦族衆務畢舉而於譜傳缺然
不及今有位有德者修之後非其時矣鰲峰公曰余稽此已
多年矣出示譜稿一帖遂承命會集宗姓開局鳩工盡心竭
力勤勞于三年之間朝夕惕勵不少置率收譜書之功娶全
氏子一

中孚字子貞號望原鰲峰公長子也邑庠增廣補太學生護冲
醇雅正直光明遇事斷以理人服其公

中庸字子時號至齋靜原公三子也性資明敏重義好施仲兄

早世為其次子教讀婚娶與已子同事閑大體者挺然不避
利害人不敢干以私補邑庠生因早年艱子遂謝仕進
二子生

中行

中敬

鳴遠

大治

大烈

大忠

大信

長壽坊

可紹

公藝

子刻

義雄

文炳

國禎

文盛

文成

應鳳

欽文

欽謨

來賓

文章

鈞元

北郭

俊民

彥民

日新

文煥

應選

應奎

應璧

橫路

貴德

貴善

琢

瑾

良珍

瑒

璠

良琪

克誠

克鐸

丹鳳

聖鳳

大昇

廷詔

本泮

本治

如斗

朝作

興

如

振輝

朝及

一坤

顛橋

圖

相

上山

塘字源甫號鑑泉景通公之孫雲漢公長子其先黟縣侯儲公

之后自嚴州桐廬白雲源來居方村上山燁然休陽之巨族

也崗峦層疊派別繁迴信為有道之居公茲篤生性靜而怡

資敏而殼潜心學問補邑庠生居論秀辨才之先為聞人達

士所重屢戰棘園卓卓有聲比老告閑手不釋卷著有詩經

臆說根極領要發揚葩藻可為詩教之楷範也事父母夔

雍之朝夕承惟養志無少怠嘉靖丙辰丁外艱葬祭以禮雖

服闋而哀慕愈切奉養母氏余孺人定省殷勤老而彌篤時

公年七十餘而孺人壽躋九十五矣此固孺人稟坤德之悠
而公之所以培養其天和優游其性靈者懇々也處妻子兄
弟之間協挑天蓂蕭之訓解忿息爭鄉隣鮮訟公庭賑窮給
乏族里多免怨咨屢積馮君之德綽有張氏之風內不事機
械腸胃如直繩而一視可盡外不立城府儀度若春風而四
海咸囿雖以雪鬢霜髯之老每含花晨月夕之趣精神步武
鑠鑠中年恒大展厥居聿新堂宇戲逸慈園效老子班衣之
樂辭榮現山傲襄陽龐公之遺萬曆癸未冬以譜事同赤橋
心泉來謁予儼然唐香山之逸老宋洛陽之耆英也及坐而
談及所懷不疾不徐若愚若虛予固知其為邃養者生于正
德壬申六月六日丑時萬曆乙酉二月二十七日亥時公遠

諱辰也心泉請為之傳以誌不朽公娶朱氏早卒繼室戴氏
側室韓氏長子允文仲子允中俱韓出媳程氏朱氏季子允
薦戴出媳金氏皆幹蠱之子雞鳴之婦女鳳弟韓出適奉邑
鳳湖汪子文霍次鳳弟戴出十四都古樓徐子廷瑾皆令家宦
族孫應復應震中角就傳千里村也

浮邑福建按察司副使 宗人鰲峰祥記

允升

附文筆坊傳

鍾公號桂崖肇十五公三子也幼穎悟善屬文補邑庠生淹貫
經史雖屢試不遂而志愈堅立心誠篤制行莊端尤為宗黨
所推重者子濬領鄉貢克成先志云

濟公字哲夫號文峰文筆坊鍾公之子也行莘九六習易經自
少即以文行名為文無一世俗語每出于心思之所自得而
以古声調發之屢居論秀辨才之先恒不遇于鄉薦萬曆癸
酉循歲貢例初授穎上縣司訓蒞官循々雅飭修課責明道
教聞經義聿振儒声挽回士習人之得所矜式者羣然謂一
方得良師也功報朝銓陞崇仁學諭公在官則重于官在鄉
則重于鄉故傳之以詔后
中立字子執號小源初公次子也賦性明敏才氣英邁遇事敢
為不避艱險重大体輕財利鄉里有爭執者悉聽處分綽有
政事才以援例赴銓部典選歿于京師人咸惜之子大同大
有同幼多疾不克舉業遂究岐黃為世良醫弗墜先業

○赤橋仁讓堂記

居邑之東五十里曰赤橋方氏谷仁谷讓二君同氣兄弟也共構
堂宇怡然而處子姓殷殷以恬以熙厥后邑侯陳公巡東郊而登
所居適見拜迎路左者悉耆英俊秀老幼淳厯敦厚雅飭渾乎仁
讓之風叩其槩則谷仁谷讓二祖之家範也遂旌之扁曰仁讓堂
盖揭名以寓褒美因昭訓于不忘也予附有說焉仁讓二公父曰
景雲其先出唐玄英先生之后由嚴迂祁之竹溪簪纓蟬聯詩礼
業奕耀然諸族之望迄今書香籍々衣冠濟々國學黌宮皆史館
俊髦也環觀所居則有凌漢文峯屹然挺一方之秀橫雲誥軸展
然會衆流之宗邱石暎映栢麓昭迴地靈人傑盖有由矣故廣受
迭出建慶踵生教子一經者追燕山竇氏之風課耕百畝者樂襄

陽龐公之榮生理各足成德無虧仁讓之家垂裕非淺鮮也淳安
有孝睦坊青陽有節義里赤橋有仁讓堂或出于先朝之寵錫或
佇于山翠勝和公限亦表其文筆如慈航一古之表於雲嶺峰外
昭代之冢司此皆后先相望彼此相輝而一脉之傳道德洽而風
俗同也豈強致者哉登斯堂者於父子而敦孝慈長少而篤愛敬
姻戚而義男女而別朋友而信以至患難則扶困窮則調死喪則
恤鰥寡孤獨鎮連無告者則矜而持之使各安其生而得其所則
仁讓之風豈特二公行于兄弟之間而已哉而國而天下莫遏矣
循而履之斯堂之成法具在也何敢贅惟附說以廣陳侯之意云
賜進士之京五千里曰赤橋亦為公之公第二亦曰原山第也共
進士仁讓堂記

休寧養生汪仁峰

頓首拜書

仁厚堂記

士君子生於右族不遏抑前人之休光而又貽後裔以百世不拔
之基業者非其心有以自居乎高明其識超出乎流俗焉克有臻
乎是哉此於鄉貢進士周君英請記其姍方君可傳仁厚之堂而
有謂焉可傳之先居邑北之偉溪詩禮承、蔚為諸族之望其後
徙而居城北再徙而之顛水橋仕者倍隱之半教傳而至其曾大
父德智大父子清父致中世以仁厚見稱而可傳之為致中子也
獨穎出於群季之中謹身而飾行讀書而尚賢恬乎冲素不赫、
偕俗鈞聲譽逮茲年及七旬精神益壯步趨益健以其子姓蕃盛
居隘弗能容乃購勝地于縣之西北英才坊而大展厥居且築堂
其中而署以仁厚之扁雖距英才不百武而近而其亢爽明麗鞅

六氏宗譜 卷三十一
顛水而駕偉溪也萬々矣可傳真不負世業仁厚者歟夫仁厚之道非君子之心不能好也亦非君子之好不能造而詣也吾能以仁厚存心則於吾祖禰而時祀之於吾父母而孝養之於吾兄弟而友愛之於吾親戚朋友而教信之以至恤其匱乏而植其柔弱矜其鰥寡以及顛連無告俾之各安其心各遂其願各得其所而無曠祀背恩終臂食言之咎矣又何有於窮寡之弗康哉由是推而行之一國一國之俗美矣推而行之一邑一邑之俗善矣况一里之足近云乎可傳自祖父以來吾知其仁厚之風旣雍々乎其盛矣今勅其居扁其堂又自可傳而揄揚之廣以及于久々而無窮也未必不自今日始焉可傳子曰榮隆榮顯榮耀孫日旭日暉日昇日曦日暘日皓皆聰敏嗜學溫和可掬人擬之如芝蘭玉樹

云

皆

皇明成化七年龍集辛卯冬拾月念一日

賜進士出身中憲大夫贊治尹惠州府致事前戶部主事南京刑部郎中邑人休菴汪回顯書

博中先生於夢玉回鵬書

皇朝文獻通考卷之六十一
皇朝文獻通考卷之六十一
皇朝文獻通考卷之六十一

祁門方氏永思堂記

新安祁閻方君世寶是歲秋七月同姍契鮑君德弘乘舟遨遊勝覽發金陵吊赤壁涉鄂渚過武昌還拆洞庭而南抵瀟湘九嶷之境為司馬子長之遊因家學之隆麗澤之厚是以挺然為湖海中之後傑也予與鮑君德弘於舊日斯文之雅至武昌公室見訪日過黃揮使宅後訪留款以叙交情席間得觀

襄陵王大殿下手書永思堂字兼有縉紳大夫詩詞俱懸於壁吾觀之喜而嘆曰今人為商者則慕之以金帛是弘而相告曰惟吾鄉親方君世寶親沒雖久而思念之心未嘗間斷是以特求永思堂字歸而銘其養以盡人子之道也乃始祖遠繇上世庖羲氏後有雷祖嘗同軒轅居姬水時蚩尤作亂軒轅同雷兵誅之至方山

有功是以

賜為方姓後由周叔祖迨漢時儲祖授尚書令能通僊術諫之有功封為黟縣侯歷唐宋至元時有洽祖學正居初門之縣前曾祖父子清生二男長以達次以道讀書尚義迨至父遐昌以詩禮傳家鄉人讚仰娶周氏銀青光祿大夫繼宗之後彥華之女也生二子長曰弁英彼時年幼次曰弁寶生孩五月慈父蚤卒賴母提携鞠育教以義方無所不至垂三十餘載孫支蒲目今春母亦終矣未報劬勞時時而思泣之固親之恩無窮要盡為子之道也吾聞言於耳始知開闢以來宗族之大流派之遠忠臣烈士皆出其家往古來今非他姓之可比也今且後裔弁寶自幼喪父每思寒暑迭更無時無處而不思念其親非所謂盡孝子之心乎自此子弁所

者稀非他人之可及也今子有如斯之美豈容默而不言乎予所然而樂作此記以為贈曰夫孝德之本也永思銘其堂者所以示不忘其親想夫子之心身雖處于江海之遠而心在於親之左右也躬雖遊於外境之遙而心在於親之傍側也及春雨既濡而有沐陽之心霜露既降而有悽愴之意致齋之日思其所嗜思其所樂思其志意思其居處致祭之時悽然必有見乎其位肅然必有聞乎其聲愴然必有聞乎其歎所謂生則致其養死則致其思事死如事生事亡如事存不惟思之於斯須更尤必思之而永久不惟銘之於一心尤必銘之於其堂非孝子仁人之心豈能若是乎故孟軻有言大孝終身慕父母尤必思之於永思無足謂孝矣觀夫是祖克盡其忠今為孫者能思其親克盡其孝忠孝兩全綿

錦衣也名流萬古耿々不磨子能移孝為忠以顯父母立身行道揚名於後世子其勉之是為記

音

弘治元年戊申歲孟秋月吉日
賜進士第湖廣武昌府知府前南京民部郎中金陵涇縣王達撰

○南軒餘樂堂記

祁之赤橋有方植翁者高尚士也少克自樹以大先人之業及其年之既邁也乃始為謝事之謀構別業于所居之南環其后有川練山迴襟其前有奇花異卉蓋勝境也至是落成翁奉酒相屬而自隱度曰自吾為是構也無乾沒以累其心無案牘以勞其形吾其始得為太平散人矣乃扁其堂之額曰餘樂其婿休寧豐山朱君循以余於翁有宗籍之共乃披其故介余友人以書來宦即請紀事焉余議不但已乃復之曰士之在世惟仕與隱而已仕則行道隱則修業抑當何時有餘而可樂耶然投閒置散仕之餘也而樂于宦成之日賦成業就隱之餘也而樂于務閒之后睢陽之賢洛中之英皆以雪鬢霜髯之老而燕驩于花朝月夕之下是老成

閒散以自放其懷趣在賢者亦或為之也翁嘗以典例授肅藩禮
官不赴亦猶夫隱耳際斯時也樂斯樂也非有道之事乎哉故山
澤之樂一也在康樂則為癖而在仁智則為適情嗜酒之樂一也
在伶績則為放在康節則陶其天性之真賢者之情自不可測有
非以形迹拘者况翁為邦之偉人崇敦靜力行修鄉人多薰其德
以恥為不逞是蓋尚德之君子者請者又以翁方以是月日壽六
袞且嗣胤蕃耀而孺人許氏亦佐德有嚴亦餘樂之一事也願因
以為祝余曰是已足矣不復贅也遂書而歸之以為翁壽

進士歛人宗籍方紀達撰

○赤橋方母李氏椿秀孺人完節記

夫三才之道貞而已矣天地之常貞運化而不忒人道之常貞物
則而不踰天地而有忒則万物或幾乎息矣人道而有踰則倫叙
亂而分義乖相戕相賊生類以滅是貞也者三才之常道歷萬古
而無所加損也人以知識之誘情欲之熾習弄性化常道乃虧然
而忠臣孝子友弟信友發于天性而不渝其常者亦多矣是猶有
師友之講磨詩書之啓沃也若夫特然信此常道不忒而自不墮
于習者其惟貞婦女乎三才之貞于此見之獨為真切吾友謝子
惟仁惟近嘗語予以方母李孺人之貞節而嘉之孺人出休邑右
族淑婉貞靜年十九歸祁方君沾沾多疾姑氏早喪事翁盡孝翁
疾醫治窮技不恤費翁裝二年沾疾以憂甚藥罔功每焚香叩天

求以身代沾竟不起遺孤資在襁褓有欲奪其志者則撫資以泣
曰未亡人不祐于天翁每夫繼亡宗祊岌岌幸有此弱息在吾所
恃以不死者而又能從人以生耶聞者凜凜而退苦節育孤闔以
外足弗及焉葬祭如禮遇埽辰哭尽哀至今不替教資愛而知勞
飲食言動必繩以義其弗迪于訓即戒飭之曰古之志士孝子曾
為若所為乎聞吾友惟仁賢亟遣從之游復令博師于當世賢士
大夫資向學不懈必期于有成者母之教也孺人慈惠好施予有
所貸于翁每夫而未償者憫其貧悉焚其券御尊長卑幼妯娌必
以禮內外親族聞其風節莫不興起夫之女兄寶珍喪其夫不食
七日而死孫女李青蓮未歸婿亡誓不他適服終自尽姪女四娘
婿亡奔喪守志皆孺人有以相成之扶世立極功不可誣若孺人

者事舅姑則孝婦也事夫則貞婦也訓子則慈母也以至處
內外則盡禮卹貧乏則盡仁其風教篤乎人人貞節範于千
万世天地之正氣其果獨厚于孺人乎其粹然完懿無虧
也天之經賴以明地之義賴以立人之道賴以崇奚止為婦女之
懿範矣乎今之名大夫者或勉修細行而大節或淪或大節自矢
而弗克終蒼鮮有完者詩曰女德不棗士貳其行聞孺人之風殆
將赧然愧惕然省而奮然與矣孺人今年六旬處孤燈敗帷淒風
苦雨者垂四十年貞心烈行之死靡他豈可以易言乎資也
尚夙與夜寐恒自省曰吾母處其難而完節如是吾賴吾母享其
易而于生有黍焉殆若之何然則永孺人之傳而光大之者其又
不在于資乎謝子述其事命予記之予不類平生聞貞烈懿行敬

慕不敢忽謹為記其大畧觀風者庶訪而言之于朝表宅里樹風
聲以重衛夫三才之道將必有人焉
賜進士吏科都給事中太平訥溪周怡書

○曹田草堂記

昔杜少陵構草堂于涪咏歌不泯豈草堂之為勝哉雄才傑句名
世專場流瀟園菴不志忠愛蓋唐代人豪也故地因人勝不勝弗
傳若南陽之庐西蜀之亭武夷雲谷允勝之可傳者皆以人也曹
田方君構庐溪上以便藏息扁名草堂予第直卿言于予曰方君
世業豐裕志出流輩嘗圖謝友惟仁得東廓緒山理學併以教子
不急科第庶幾富而好礼老而好學義願賜一言以助觀省予曰
方君草堂蓋自擬少陵也夫旅瑣流寓悲歌慷慨雄傑之句照耀
簡編此少陵所有而方君所無也良田廣廈優游樂壑事親課子
談道自如此曹田所有而少陵所無也至若篤志好古不屑流俗
雖不泯于時而器自自信此少陵曹田所同者乎是在曹田勉之

而已近世學者率高談性命卑藐前賢視少陵輩若不足學然虛
談無實致用多踈濇義利之防而曰小廉不足恤無周身之智而
曰王道無近功豈古人經綸立本學教予竊病之少陵在孔門
蓋狷者之資而仲由之勇也傳曰行遠自邇登高自卑又曰小者
不審不敢言大苟以少陵為足學弗蹈高談之患不安小成不騖
虛遠聖門固具有成法也茲方君名堂激意遂書之以質于君

魁進士讓溪游震德書

培仁堂記

祁閭偉人槐園方君諱燁世處城北逮顛橋後更城北門內今營
堂舊址左鳩工近成姻婭友人僉策稱慶乃躬幣屬記于余因備
述君之家世行素蓋出唐祖干公著一十六傳至元學正洽公其
孫有號乾初逸叟諱德智公綿演世較淑后惟仁是以后世子
孫率言仁也君嗣德智公子子清公次子以道公之苗紹厥祖俊
公考志佑公之誨注心砥行撲茂和易不作闖閭浮靡譎滑態獨
養母氏特厚二兄賙給諸姪厥子宗聖宗社宗與各克家璧立宗
文宗顯与厥孫克振尚在對齋髻髻現然不群常以仁迪犹慮弗
尔继至是構結事勤堂戒扁之曰培仁志仁教也夫仁天之元也
善之綱也人道之夫根大本也含生机于不息不窮也其原具于

心之固有其体由于性之自然方其未搃未奪未琢未雕之際
腔子内皆是物也烏用培為顧人生多慾耳目為声色眼鼻口為
臭味根四肢為縱佚根志意為富貴根紹逐剗削鮮有為仁根者
而仁所存魯幾何哉培植豈不可少也孔庸曰栽者培之程子曰
根本須是培擁朱子曰以培其根薛氏曰其本固者必滋培之蓋
言心德也亦言仁之當培也培其有本乎有之矣不見夫木乎不
見夫穡乎木生于山不能培其生必如橐駝氏樹植有方也木
斯淨嵒翁鬱参天而高穡生于畝畝不能培其生必如后土
氏相拒有道也穡斯發秀堅好乃粒而嘉豈仁為心穀種為心山
木生机含蓄培也顧無本耶嘗觀宣尼論仁每有本實要約及有
子謂孝悌為仁之本伊川亦謂仁以孝弟為本又謂性中有仁而
孝弟一語甚要體會則仁道之切近而精實者莫若孝弟若也而培
之莫是先也人而有能情篤父母諭志承順樂篤兄弟垂白和怡
即出天分即由偶合其大根大本以立仁可培矣由是九容謹其
儀四端察其緒二如束其天四勿復其礼三月守其真一間融其
化六藝養其趣兩忘妙其施四海九垓廣其功千禩万代滿其量
為仁不同類培孝弟二者俾生意滿腔渾渾淪淪全完本性之初
焉耳全完本心之体焉耳槐園君之先仁教奕世是既栽之木也
是既栽之穡也不無望后之能培者君復以是名堂雖未究竟何
如培養何如滋潤即所言養親孝待兄厚諸姪輩調意亦以孝弟
培是仁歟而培仁者君其有也昔王氏文武忠孝且弟手植槐而
直名堂必仁之報于后也君不植槐自况以槐得非寄培仁之意

如古之忠孝且弟者乎此固知仁之必有后也然而為君子為君
孫庭教素稔孝弟與聞真能純心體驗常朝夕頌謚以滋培世德
乎哉予于是有言請以前說規箴君后功培勿間繁衍世之期有
若古記仁則榮仁則壽之類者辨為馬出光乃堂宅于周既也敬
筆用副稱慶諸凡姘友姘友者誰之也等也余紀名于左時
與慶族人亦附名云云
萬曆乙酉秋菊月吉旦其
賜進士第中順大夫提刑按察使眷生吳自新拜撰真一問編其
羽出天公明由合宜大縣大本心立一問部矣由吳小容對其
之莫長夫出入四休計書文母前出衣取樂意天與書白味計
筆來一詩善要本會傾心遊之賦之而誦書不

蓮塘記

祁邑赤橋方隱君者猶子元學之外舅也構屋于所居之偏鑿池
時蓮繚以周垣往來以嬉而老焉扁曰蓮塘以自况也乃庸作歌
曰塘之水兮清斯有物在中兮性自天植中空洞兮不扶自直蓮
兮蓮兮誰與而俱又歌曰誰托根兮漣漪誰製菱荷兮為衣誰潔
白兮不涅以緇蓮兮蓮兮我師歌已或默然而存或淡然而笑或
漫然而遊或偃然而卧渾之乎不識不知而順則也余官南都君
以萬石來輸訪予其中由之其外温之其言坦之其行徐之群于
衆而不與衆同余固疑其為有道者退而元學語君事甚孰益信
向之所疑為有見也元學請予一言以記之余曰若知而翁之所
以自况也乎方有羨于周濂溪而慕之者不獨花卉之間而已也

愛蓮之說曰水陸草木之花可愛者甚蕃晉陶淵明獨愛菊唐人甚愛牡丹而予獨愛夫蓮之不可以褒翫也又曰菊之愛陶后鮮有聞蓮之愛同予者何人也夫周子之愛期人于數百年之前方君之愛追慕于數百年之后曠世相感豈直於蓮乎取哉要必有以深當其心者矣余觀周子無欲而主靜謂無欲則靜虛動直而明通公溥生焉斯周子所以愛夫蓮也方君不為祿仕不為利疚而闇然自修斯方君所以愛夫蓮也今則積而耳順有年矣其自得于無欲而主靜者非所謂中通外直者歟非所謂涅而不緇歟不然何其蓮塘之況也又進之以說焉昔者伯玉六十而化衛武九十而猶箴儆于國方君由此而進之其為伯玉與衛武也孰禦余固用以祝而亦用以規遂為之記君名照字惟遠云

休陽山溪八景圖記

天下山水之佳者惟有新安古稱大好而休邑西去四十里曰山溪亦稱大好山水之一焉著姓方氏世居之其先由祁邑赤橋公派代有間人至拱辰公明敏卓越實邁尋常嘗尼母制有異鳥心于几筵經宿而去人以為孝感且好礼樂义人所敬服曲直皆從决焉二子曰錦曰琳俱克肖而宗濟、多才素衣冠文物允為望族至是以生齒漸繁乃開基拓厦規模壯麗氣象軒豁舊者以新隘者以闢前光而後裕誠千萬世長久之基也居之東有山曰屏密四時草木葱蒨花卉紛郁呈奇獻秀可玩可愛故狀之曰屏密環翠北有謁水環遶左右一碧數十里望之若藍帶然故狀之曰謁水拖藍南有白岳惟天設險上有丹崖翠壁石室樓臺神帝所

居故名其景曰白岳鍾靈前有湖峯峙對門軒高插霄漢人物均
由其氣運所出以其景曰湖峯毓秀北有湖潭每遇雲氣升騰龍
吟其中時澍甘雨以其狀曰湖潭龍吟西有秦嶺夕陽在而餘輝
返映嵐氣浮光應接心目故狀之曰秦嶺晴嵐西有原田數頃春
雨既零即千人其耦故以古原畊兩名之西北有石數百丈蜿蜒
率律竒石峙拔若大城然故以竒石羅城名之是以八景環列實
壯山溪之勝丁卯春予里姻游君奎以其友拱辰葺創既畢乃命
晷史繪八景之圖分題咏詩踵予門請記予惟山水雖竒非人物
弗彰不創于前曷垂于後方公以一世人豪承祖父之遺風拓箕
裘之世業其德行足以起敬士夫其器宇足以追蹤先哲肯構肯
堂不僭不濫卓乎斯人之拔萃而可以光乎山水者其垂裕後昆
亦至矣繼今以往篤斯于兄弟之好謹孔庭詩禮之訓麟趾成風
夤斯衍慶安知不有駟馬高車而為八景之出色者乎詩曰維岳
降神生甫及申敬奉以為山溪八景頌宜尔子孫振、兮敬舉以
為方公後人頌於是乎書

正德二年歲在丁卯十月既望日

賜進士第嘉議大夫都察院右副都御史致仕婺源汪奎書

山溪八景圖記尾

石亭樂景記

初之西北有石園方君石亭太父之所創也園之後有阻丹崖翠
壁古松盤蔭四顧水山環秀雲根萃瑞或者謂其僻立崆峒逸民
所依棲者惟石亭之巖君奇之扁曰崖松或者曰不獨茲也崖之
下有石窩構亭儲書種桂噴香本崖松化機所由成者石亭倚之
因自扁焉或又曰亭之渚鴻鴈濯之渚之澣白鳥鶴之秋水籠烟
畫象意以適厥趣君美不為贊之余喟然曰方君天下士也矧亭
以石扁亭斯鞏矣苟非其人亭不虛居哉君之德有四曰安曰靜
曰堅曰確夫安則所寓不移而道心定靜則厚不遷而行有恒堅
則磨不磷而潛弗露確則靡矯揉而合時宜備斯四者足以符石

亭之扁而上承崖松之肇矣故曰苟非其入道不虛居其斯之謂
與况君之玉器英偉儒焉異日名登仕版輝映石亭殆與崖松欣
天揭地以綿石園之基於無涯者是尤弗辜太父創始之志且將
以成嚴君開先之德矣詩曰如山之固如松之茂謂山匪石弗固
也松匪崖弗茂也方君繼石崖之松以值石亭之柱扁之時義大
矣哉古泰山有喬松者世封為五大夫華山有石丘者歷稱為三
公方君合二山之景以周三世之扁其志其謀可謂遠且大矣又
考測子孫無公卿大夫之驗以遂石亭之至願歟余於記也奚其
靳嘉靖二十三年甲辰菊月之吉

澹庵記

昔予先君白石翁曾構光復堂於邑治前予歸自大名為言卜隣
如斯皆衣冠舊族詩禮名家習聞邑侯弦歌之化久尚禮敦俗
孔子謂匪宅之下惟隣之下得其隣此予居之所以勝也予嘗識
之不忘迺今王子佑德偕張子世明暨數姻友執幣請謁余出迎
之相與坐談王子輩群然起請記澹庵以為方君盈耆之慶方君
諱志清字源潔別號澹庵溯其源出偉溪望族歷唐迨宋居赤口
庄厥元祖洽公復遷縣治顛水之西而

國朝高祖子清公厥祖榮祿公奕葉皆賢厥考日昱公于正德年
間布德宣威坐靖柳州勅賜武畧將軍公承其休方公賦性溫雅
恬素自如其澹泊宅茅庵別號澹庵以自適厥子鐸欽同心協力

敦友盡孝厥孫提禘禋禘植立兩間志不在小惟禘改諱圖字汝成砥礪儒業補邑庠生策名天朝端有日矣汪子曰噫嘻予知之矣王親亦知澹庵之義乎知澹庵之義則知澹庵之壽矣今享年七袞容貌如童未由不自澹泊中得者蓋淡者無欲之謂也惟無欲故能壽是故子思有淡而不厭之訓孔明有淡以明志之功周子有淡平慾心之論方君之尚淡其昭合于此者繇是而往豈直古稀乎哉行將躋期頤登黃耆以馴致于無疆無往非淡之所值矣君其益甘淡而俟徵也耶書是于蛟潭書院諸君其執是以壽方君可乎王子輦再拜謝曰大哉先生之言淡也是可為方君慶矣請筆以比華封之祝云

西郊記

嘉靖壬戌予友李蒲泉君以文學九與賓興不第設絳帳于靈山麓予時以文社造其館有休陽方廷正君髫年就業予見而器之遂定交焉比隆慶庚午予自北都歸省是年廷正君膺首擢賓與南都暨冬予遊白嶽君造迎宅名山溪去白嶽十里許予拜其家但見山環若城墉然而水亦清練君宅其東而西有田數十頃山水屏遶四面君之翁諱沾字伯雨乃因而號西郊矣山溪之居白嶽峙其南黃山障其北奇峯異境無限獨以西郊號何哉夫子曰仁者樂山智者樂水蓋各得其性也然則號西郊者夫亦寄其性于西郊乎予覩夫西郊農者農于斯歌者歌于斯飛者飛于斯時而風和景明山色映翠水光接天時而雲陰霧布蕩然莫窺其際

此西郊中所有人不得而与焉是故時至而苗呈色時去而苗告成西郊中之四時也其西郊翁之隨時以行藏者乎遊人唱和鳴琴往來西郊中之樂事也其西郊翁之喜吟咏以見志者乎鸞之飛魚之躍四山草木之夭喬西郊中之景象也其西郊翁之生意活潑隨適而自得者乎天氣開霽曠無崖岸是西郊也即翁之襟度坦夷光明而正大者也霧氣橫空陰風怒號是西郊也即翁之戾剛自持憤時而激烈者也夫天地間山水之所有皆西郊之有而西郊中之所有又翁之有翁既有西郊中之有則號之也固宜或曰西郊止有是夫予曰不然昔周鳴鳳在郊以昭國家之瑞易曰見龍在田天下文明今在上有周文之主而世際文明之會則茲郊也予將賀其有鳳之鳴龍之見而奚止有其所有者哉今臘月念五翁屆六旬李蒲泉君索予言以頌予是以記焉

昔

萬曆四年丙子歲次冬十二月吉

賜進士第奉政大夫尚寶司卿前雲南道監察御史都山汪文輝

撰

西郊記尾

默守樂隱亭記

祁北有三溪偉溪其一也乃方氏之世處德仁方子則出其族厥
行端靜爰居于城北時遇多金韋顧築室于偉溪之源劉家壩以
避亂焉又結亭于室之傍題其楣曰默守樂隱日與弟德義德禮
德智德信兄弟五人相樂于是適有客與之善一日同遊其亭飲
酒盡樂客明其亭楣曰樂隱之義可得聞歟方子俛而笑客曰花
萼紫荆相聚朝夕此樂隱乎月皓風清雲舒靈歛寄情眉睫此樂
隱乎層巒疊水縱身而一游泳此樂隱乎草木交翠松竹環青接
目而一舒徐此樂隱乎笙簧鶯鶯絲弦蟬鈴聆耳而一颯洋此樂
隱乎與漁樵居與農牧處油然同人此樂隱乎方子曰否非是謂
也客曰吾子非是為樂恐江湖之遠逝不若宮闕之榮輝也山林

之僻處不若邦國之朱丹也草莽之寂寥不若市井之多比鄰也
子向性也而樂村野之煙霞乎方子亦俛而笑卒未竟其說客疑
明日告於予予曰樂矣哉方氏之隱也客何未之知耶昔揚子曰
櫻擊者亡默上者存位極者宗危自守者身全以紛々之世乃能
保身庇祧且昆弟友于翕如於庭何樂如之名亭之義亦深也欤
客悟曰方氏樂隱其在默守矣德仁方子兄弟聞之曰是子之言
知吾之心者也後客過予而言請次第其語以記其亭予遂書之
其所善之客蓋子之媿予之生為邑之儒彥也姓林氏均惠其名

皆

大元至順二年辛未仲夏月吉

教諭許昌孫

撰

樂山記

余讀尼父書曰仁者樂山夫鋪糟啜醢皆可以醉蔬食菓木皆可
以飽五色之輝煌五音之鏗鏘瓊軒雕梁滄池錦園之巧麗皆可
以樂而獨曰樂山何夫仁者完精固神守寂養真故崆峒為廣成
之樂道雲臺為審真之寄迹修羊臥華陰而懸石榻王喬駐絳氏
而乘白鶴鼓洪濤于赤岸訪逸興于酉陽摘天柱之仙桃望盤龍
之宛轉此豈有怪竒偉麗也哉而樂之終身不厭蓋心有所契情
有相孚故耳休陽德徵氏余宗人也被服禮義崇尚詩書存心養
性仁其身也一經教子百忍和親豐贄厚積承先裕後仁其家也
立家塾田乙伯埭拾畝名曰助賢代耕以養子弟之俊秀者仁其
子姓于無窮也優游乎大塊之上俯仰于清虛之間黃白栽培隨

願各足殆不知物之為物我之為我山之為山也是故辟立聳異者吾心之高也雲過霧藏者吾心之明也蟠踞鬱結者吾心之斂也層疊縱橫者吾心之舒也交翠環青非吾心之草木乎絲鳴笙韻非吾心之鳥獸乎樵牧荒歌兒童更唱非吾心之侶羣乎以至臨高覽勝超然于塵埃之表霄漢之壤又非吾心之卓然而自適者乎生之而不息化育而無方斯境也其德微氏之自得乎而所樂者果在于山抑在于心乎故曰山者良也良止而不動者也又曰山者宣也宣氣生萬物者也此又靜而不一于靜而靜之用即動也動之体即靜也靜固靜而動亦靜此文尼父言表而德微氏當得于山之外者也余因有感而作樂山記于昌江雲樓

任淮安府

詔進階三級中順大夫浮梁宗人魯泉

沂書

鳴巖記

初閭溪山古稱勝域獨鼓初二山龍蟠虎踞体勢跨一方之雄冠百里之偉觀也時有勝狀萬千方其天光日霽雲過霧藏則見葩藻眩麗光景因之呈獻也及其風盪雨施雷動露潤則見品物咸亨葱鬱鬱之無紀極也又其月輝星朗辰靜斗橫則見耀金煌煌景象之昭于雲漢者盡色映於峰巒之間一日之內二山之中氣候不同如此仁者遇此可以寄樂山之懿達人遇此可以曠情性之舒徐也予固嘗羨美之若鳴巖方君子世嬾也君諱崇隆鳴巖其別號云世居縣前贛水橋厥父可傳公聿卜居於縣治之傍而初鼓二山擁其居固有山居八景之樂而二山亦在其中矣予予已賦短引以咏之至君存繼述之意乃隱然取義以自况予未

喻其意一日適過其家言之頃問及鳴巖之義君曰吾舍之後有鼓山惟鼓叩之則鳴吾舍之前有祁山最勝者在於棲真一巖吾父嘗以為晚景之樂今身雖不才亦志樂於此也故謂之鳴巖余曰都哉君之自况之義其深矣此所以為邑之聞人也而名實之不棄乎何見之嘗察君之制行動而勵儉而恭誠而確其鳴巖德而若若之疑者有矣不競物不矜能容若愚形若拙其烏謙於身而若巖之良止者有矣每就事論事輒曰人之立心要光明清白人之處事要正大無私其發鳴心事若巖之虛者有矣其澹泊遠華糜識保身之術其願養天年若巖之棲真仙侶者有矣事父可傳公以敬歎弟榮顯榮貴以和其鳴孝悌於家而若若之雲者訓子日暉日昇以義弘紹君烈且又多孫挺秀其鳴啟後人而若巖之鎮千古而不洩者有矣以是而觀則祁鼓二山之勝皆君胸次中物也其樂乎鳴巖者非樂于外也以身之鳴巖為可樂也君樂於身而形於稱號之間則鳴巖之謂者豈虛名哉豈玩物哉雖謂有志于仁者之樂山有得於達人之怡情可矣予於君之行故知君之自况有深意存焉非人之可測識也而今喜君之實副乎名又幸君之樂契於吾之所羨美也故記之以贈

皆

大明弘治八年乙卯歲夏月吉日

賜進士出身中憲大夫徵江府知府前

戶部陝西司主事邑人克恭饒欽拜書

大甲海山八景之四
大甲海山八景之四
大甲海山八景之四

漢室有雲臺智術相雄長而事業振揭宇宙海陽有雲臺身心相
懿淑而棲遲掩映衡茅維彼雲臺之勝去大溪二里許山之嵐水
之晶晴陰蒸滃騰而為雲春雲英々夏雲奇峰秋雲淡々冬雲彤
密恍惚一瞬若千層萬疊幻出臺之聳取諸雲臺有以也方君元
全遜處其下別號雲臺余姪士良辱賓席相將是號于記于余々
謂雲臺何所有謠而得之嬌紅嫩白蛇綠妖黃雲臺之芳菲也竹
籟松聲瀑飛泉布雲臺之節奏也鸚鳴鵲噪猿啖豹隱雲臺之毛
羽也夏菓收新脆秋熟仙味雲臺之馨香也且也君好牧羊俯仰
山坡午陰夕暘相與偃臥詩所謂麾之以肱爾羊來思者矣或親
朋咸集携壺於雲臺之上飛談捲霧醉飲傾霞殆不知爾之為我

雲臺記

我之為爾者矣姪又晉曰方君孤哀柴立廬墓三年曾侯慨以孝
行扁已而置義田仁宗族矣已而建家塾育子弟矣其廣孝思於
不匱哉意嘻趨矣某也孝望雲之遺愛乎某也義稷雲之遺脉乎
某也教人以善謂之忠卿雲之遺厚乎是不可以不記爰書于屏
山書舍何所何新而對之融以煥白致熱效黃雲高之於華也
京闈進士文林郎三知縣事敬齋曾文進書
卷之二
一品晉
卷之二
卷之二
卷之二
卷之二
卷之二

柳亭記

休陽之西五十里有流之源可濟以為池有渚之高可砌以為臺
脩竹環繞青松蔭映可措以為亭時登時眺以息以游噫樂地也
有汝智氏者任其地形度高低丈廣狹鳩工經理闢立園之陂堤
其二漫之餘浸取西山之石以為巖阜伐東原之木以為棟宇蒲
葦蓮芡有江湖之思椅檜桐栢有山林之氣奇花美少有京洛之
態華屋雲樓有吳蜀之巧其深可以隱其富可以養蔬菜可以飽
隣里魚鰕苜茹可以給四方之賓客且圖畫盈箱史冊滿架而詩
文傳記供几席之閑者纍纍殷信其用力之多且久也又循游
沿畔乃求楊條蒲陰植于其中扁之曰柳亭詩云東門之楊其葉
祥之又云昔我往矣其柳依依魯有柳下惠晉有五柳先生茲柳

亭也其亦志柳下之惠德懷淵明之志節者乎不然何不為茂叔之蓮何不為彭澤之菊胡不為和靖之梅胡不為子猷之竹噫余以是而知柳亭之志不必於仕者也亦不必於不仕者也清風時來飄揚惟遇浮雲乎富貴忘顯晦于不知其為慮也遠其用意也周是故築于所居之前声息相聞凡朝夕之奉燕遊之樂不一而足故有志而仕則縱跡于清朝之上事展禽之事矣歛手而隱則俯仰于山林之下志陶潛之志矣治生養性行義達道無所適而不可齊書有曰張陸並處兮交讓方榮其仕進之謂歟隋書有曰機昂共摧兮孤揚獨茂其樂處之謂歟余何文惟謾述以表柳亭之志而頴第呈祥尤倦々為後日之望

萬曆甲申菊月

旦浮梁宗生任開封府教曉山

文烜書

崖松記

人得山川以吐其靈山川得人以鳴其勝初之西傍崖石聖立神斷天造疑女媧氏所遺石端恠松懸生虬飛龍走危欲墮地惟松與崖可仰可望里有清隱君取以為號蓋其意趣有得焉耳一日君枉過予請為若記予與偶坐久之而知其趣與好也君秀外而惠中言直而行古博極郡書輕眎外物見素抱樸有貞靜意遊覽却俗有清介意脫礙於勢利之衝寄情於山水之曲迹若宕而行發修禮若拘而履道坦棲薜蘿食杞菊紫領方袍葛巾芒屨修然有真隱風予惟石之高岸曰崖雲之根雨之脚也木之永年曰松卷之神王之精也崖為絕塵為列屏嵌崕崿峻嶒磳磳攢翡翠引無聞奇恠百狀歷歲時而不渝即君之抱樸而貞以靜也松為

偃蓋為摩頂槎枿砢勁節盤曲蘊芳腴籠葱蒨風骨獨存凌霜
雪而弗交即君之卻俗而清以介也其或松濤風沸如奏瑟然石
竅泉鳴如漱玉然青猿嘯而空谷應白鶴來而孤雲隨蘭茝薦馨
煙霞弄影君乃怡心醉鬼神會意快藉草而坐援琴而歌之曰若
有人兮陸為沈高致兮幽尋塵慮兮長寂俗耳兮渾清攬天趣兮
傲世成迂野兮放形歌既不知孰為崖孰為松而脫落於風神渠
護之外尼父曰知者樂水仁者樂山迨指其動靜喜好之以類耳
迨此而凝倫焉君其兼仁與智而有之者若夫陶彭澤之好菊周
濂溪之好蓮王子猷之好竹林和靖之好梅皆真志趣之合用以
自適而已崖松之真介固矣然其為雲為雨為苓為玉是其靜而
不入于寂彼人之靜者雖曰從容暇豫處之行窩在之樂地焉肯

自泐以為獨善計耶號者誰方氏子崇甫也記者謹一鶴居士韓
繼善也時

嘉靖己丑秋七月朔日書

嘉慶二十五年六月附書
卷之二

修德記

夫自修身莫大乎修德蓋德之為言得也行道而有得于心也故
修德者立一心之本積万世之基蓋自三皇修德而立極五帝修
德而光天大甲大戊修德而復殷道文王武王修德而大興周基
湯魯僖修德而感六月之雨漢唐宋修德而立万古之名洪惟
聖朝修德而一統天下聖繼綿延是則古今之明君興基立業歷
乎千萬載之下耿々而不磨者豈非修德而致乎迨至孔聖論為
政之道以德為先孟軻言達尊之等以德冠始曾子論新民至善
以明德為本子思述得位得名以大德為本是則前後之賢聖修
經垂統流于千万古昭々而可攷者又豈非修德乎今也方公彥
敏者乃微之望家休之傑士始祖派系祁閭之赤橋迂于山溪之

謁潭公生于天地之間稟鍾山之秀不希利祿不嗜浮華取舍有
方行藏有道酣先聖先賢修德之格言守始祖始宗存德之基業
急々然于方寸之中毋一忽之或怠勉々焉于幽暗之內毋一時
之或忘然則公之已德謂之修矣後之餘慶赫然而興桴鼓響應
豈有涯哉故引司馬溫公云積金以遺子孫未必子孫能盡守積
書以遺子孫未必子孫能盡讀不如積陰德于冥々之中以為子
孫長久之計也欽嘗 成化紀元兵部尚書孫元貞承
恩歸老順道經寓徽州休陽之館棹聞敏公有志於德馳古如斯
特書修德二字姑述公修德之蹟惠公于燕居之所以為公之子
孫朝益暮習時省日新永遠流傳之鑑是為序而自對于公

贈方竹坡先生記

方子名志峻字德明別號竹坡素與余厚每欲發竹坡之義以贈
但拘宦途弗遑茲居林下子一日來謁余曰居傍有坡坡上有竹
清香滿几細香侵薄幽趣有在也愛此君以作朋欲以不令人俗
也而顧以竹坡為號敢請先生賜言以教可乎余遂不容默然而
乃為之言曰嘗考竹林七賢之號蓋以放達閑逸以為樂也淇澳
綠竹之詠蓋以托物比德以為心也子以竹坡為號果以放達閑
逸以為樂耶抑以托物比德以為心耶如以放達閑逸以為樂則
誕也而非實也甚非余之所敢知也惟以托物比德以為心則實
也而非誕也斯為余之所可取矣今夫竹之為物也中通而節外
實而直孤幹時出仰于雲霄清風徐來而聲戛玉焉明月時至而

影散金焉雅淡氣味賸有可賞茲竹備君子之德而厥名斯稱也
子之於竹也果有其通而節貞而直乎時出而不撓乎玉之聲而
金之影乎夫通而貞同也可以語智節而直同也可以語義特出
不撓同也可以語剛玉聲金影同也可以語和而清有一於此已
非俗矣而克全之雅莫至焉茲觀子性明敏純厚欲習舉業有向
上志但厄於幼失所恃不得已而遂專於岐黃之術故記無不究
無不詳足以徵子之志有似於竹之通而貞也治人之恙裁有
餘而補不足陰陽相濟輕重適宜足以徵子之義有似於竹之節
而直也心存活人研磨醫理時無正息欲底精微而不為異術淆
是以徵子之剛有似於竹之特立而不撓也擴同仁之念而不忤
於物施利人之劑而不責乎報足以徵子之清而和有似于竹之

三聲而金影也推是心以進德曷有窮乎由是知子之號竹坡
非徒假此以飾月舞風為耳目之娛焉已也惟其於竹德相類而
心相孚故其居與竹鄰也則不覺其感之深而悅之至乃以竹坡
為號蓋欲時接於目而警於心脫乎俗以養乎德求以無愧於竹
也已允若茲則知其非於達閑逸以為樂而同夫竹林之七賢寔
以托物比德以為心而無愧於綠竹之歌詠故竹之雅德不在竹
而在子之心矣其真能大雅卓犖不群而能脫夫俗也有如是夫
求以君子稱之也宜哉方子敬拜受曰先生之言至矣豈敢當哉
竊有有志焉而未之逮也敢請書之以為朝夕省云

嘉靖四十二年歲次癸亥一陽月穀旦

南畿丁酉科解元

北京國子監博士石龍王觀頊首孫撰

元學正方洽傳

方玲字君玉號峴山父竹溪學諭先生也兄弟珪瑞皆登宦籍人
奇之洽規模岐嶷氣宇端莊欽承庭訓以和厚處人以恩禮御下
自髫髻時聰明卓異有志讀書求師勤學十五能文祖與父見其
力學篤志呼謂之曰汝當弘乃德遠乃猷大乃業勿墮我家聲幸
矣應曰唯唯既長而二十遊邑庠研窮益勵日夜潛心於諸經子
史百家玄旨靡不領會妙蘊在所博洽學問日新文章駿發識者
咸策其不凡既而屢下第後二十餘年以儒碩領
朝薦授江陰教授蒞官循循雅率修課責明道教闡經義施之不
悖求之不佛聿振儒聲挽回士習人之得所矜式者群然謂一方
得良師也風聞朝銓檄除安州學正時年五十有七而身體多恙

倦于事乃以年老固辭退居田里雖祈人聞之皆曰大材而小用之而君亦畧不為惜蓋安命也然卜居縣西顛水橋營繕一室置書典籍優游送客日樂日休獲晚景之祉所著有五倫箴覺斯世之聾瞶士人高其行美其操嘉其賢莫不以為祈之偉人傑士也享年六十二卒于正寢厥配林氏內政雍肅享年七十一同葬四都九龍源厥子一士節孫三文卿明卿實卿文卿迪功佐即明卿實卿克家曾孫德仁德純德義德禮德粹德智德信德中德正並依仍未緒然此皆余之聞且見者也因其孫德仁等請傳故實書之遠其傳

藕塘方君傳

方君諱德字汝敬別號藕塘家世邑治之西淳厚之風其來遠矣至曾祖耿介翁祖筠窩翁益以敦樸著於鄉邦父麗川翁行誼重於時屢舉耆老鄉賓母孺人宋氏恭順維則君自幼資性聰敏宅心誠懇自持以儉約恬素不趨華靡事父母以孝而怡愉以盡其懽處宗族以和而惇睦以洽其情厚其母黨之親優以待妹婿而恩意慇懃善承父母之志也其與人交推誠以相孚坦夷樂易舉無乖戾忿嫉之容雖橫逆之加亦包含而弗校凡其言論動履俱有古道雅致不輕於許可而然諾則必信不喜於簡元而涇渭則甚明義所當為者則慷慨有為不避艱險不辭勞劇竟成先緒裕後昆克樹久遠之業人咸稱之曰善士有長者風度殆與輿論而

相脗合者乎配邑南相潭雲泉汪公女貞淑勸勵綜理家政有方
允矣內助之賢也子一曰拓教以義方庭訓素嚴比長期以習舉
子業慮其性稟剛直歎於和平適闈新齊余師來訓吾初迺妻祖
掌教魯峯公門生也因岳翁往謁之率其子拜焉余師乃告之
曰予門汪友簡彞學博德粹所當師也于是修治書室于鼓山請
予父而受業蓋望之以用世之學尤聞之以治心養性之道誼育
陶鎔變化其氣質既而予父領歲薦北上繼命其問學於予俾其
砥礪成就未幾蜚聲類庠聯捷臺試駸々乎登庸之有期也君之
自况取象於藕惟求其本實之先立以暢茂發越之盛而任諸後
也後開拓其地創為雷鳴書館以廣進修之地即其堂之右增築
一室扁其軒曰華蓮即此意也而其期於後者弘且遠矣孫曰經
邦時年尚幼此君之所及見者天姿穎秀君亦愛其岐嶷可為後
望也女二皆擇賢而適夫父母具慶在堂賢室承順于內而且子
之承志孫也承歡人方羨其天倫之樂宜百福併膺壽躋耄期也
迺遽終天年識者惜之當其病篤之際子時應試南都憲弗及見
令畫士傳像遺之欲其顧瞻而興思焉及試畢即歸侍疾半月諒
弗能起則以不能終養其雙親惓惓命以代養之善乃出正寢考
終命焉既沒而少長思慕之不置非其忠信感人之深而能如是
乎君終於萬曆壬午九月十七日卯時距生於嘉靖丙寅十二月
二十六日亥時享年五十有三夫積厚者流光君之篤實仁厚其
植本也固其發源也深而子之嚮用於時則立身濟世將必能闡
揚而光大之所以延其澤而裕其後者尚有悠遠也哉予忝知君

之稔者歷接其事而述之匪足以盡狀懿行特以示君之子念之
不忘因以副君之望於遠大云
萬曆癸未歲仲冬之吉眷生警屏汪大有頓首拜書

賀方公可傳九十序

人年九十曰耄雖未滿百亦謂之上壽也旁觀當世獲斯壽者幾
何人哉今於方公可傳見之焉公初之仁人也出大姓胄生而貌
萃氣充言信行篤寬裕溫柔一仁心之淵源也愷悌慈祥一仁性
之發越也且能練達世故表譽鄉邦其於父母昆弟宗族朋友逮
子姓之屬公事之友之處之接之而教愛之靡不有仁道寓焉以
故太守汝芳康先生汝光汪先生即中進明李先生黃門懋儉汪
先生教授秉忠汪先生咸以仁厚名其堂次第為文以彰厥美信
不誣矣公之為人若此天道好還豈爽於公哉故俾公今年陽生
月壬辰壽臻九十屢膺聖朝優老之詔旌寵之恩我冠膺帶龍眉
皓髮怡然休然燕樂高堂享有斯壽何其樂哉抑吾夫子嘗

方氏宗譜 卷十二
云仁者壽公由耄年而期頤無筭可必矣矧生丈夫子三人榮隆
榮顯榮貴年亦幾六七十朝夕奉公於仁厚堂孝心無毫髮爽
又孫如日旭日暉日昇日曦日曠日昊日壯曾孫如志洪志大志
廣志遠志寬志裕志淵志溫志厚皆表之可彌所望以光顯公於
生前者必於是乎在也此則喜慶一門非一人一身之壽而已又
可嘉也為何庠彥程道享彙道源張時中黃伯玉王一之李廷用
馬廷輔方文明王弘濟葉天實周汝成汪克頰輩於公有葭莩之
好徵文為賀余驗諸先生所頌仁厚之文喜公晉膺高壽故為之
序以復諸英俊之請而不靳
皆

大明弘治四年龍集辛亥冬十有一月吉旦

賜進士及第中憲大夫詹事府少詹事致仕前

翰林院編修左春坊左諭德全修

國史經筵講讀官同郡克勤程敏政書

國史錄載靜公自號永孝思也事大夫
韓林訓諭於春村立備郵全
顯聖士大夫中憲大夫高車南史高車應世

靜原公序

君子立身于天地間不在乎設施措置彰人之耳目而在乎
彛倫素履無媿厥心以已之所未為寄諸人之所可為俾世之
稱功頌德者必歸焉斯固人情所深願而未易能者也吾邑靜
原先生將有得於是夫靜原設心坦易持已端莊議論每切事
情鑿之可行自幼至長居家無私蓄積性侃直人有過失必面
規之里閭稱重焉罹外艱時三年不改戚容或親族會飲衆皆
嬉戲行酒公若罔聞克遵禮度不少踰越封君直菴公既殯于
三里靜原之陽先生築室其旁因以自號永孝思也事大夫
朝及定省委曲承順咸得其權心愛子教之義方弗納于邪諸
郎皆可望以遠到者其處弟尤極友愛邑侯晚峯黃公堂榜其

堂浮之人傳誦以為美談先是直菴公知職方君少有異質督
之專治經史一切家政惟先生肩之職方君不以他務縈惑其
心遂得肆力墳典既而科第連捷政績輝煌及掌樞務出長策
以控制外夷北虜帖服南倭蕩平不動聲色而措天下于乂安
雖其高才碩德之所致先生培植相成之功亦不可誣也先生
樂于親賢接士大夫必以禮遇弟之相知者若已素善恭敬之
心無少怠忽人咸服先生持已待人之有節文雖隱德不仕無
所施于天下即職方君之壯猷而推其所自其功之及人亦遠
矣求之吾浮可多得耶且其歷數千里不憚跋涉來京師骨肉
相聚怡之終日尤足以徵友于之愛况越大江之勝槩仰
皇都之奇觀予以恢廓其襟度弘大其器識推此一念之愛視人

惟我視我惟人由家及邑以及天下凡所接遇必有能被其澤
者矣三槐子孫之報天豈靳于靜原也哉予與靜原有通家之
誼而且與聞其詳因序之云

賜進士第試司寇大夫政年家眷生震峯操

時賢

頓首拜撰

顯進士第後同族大夫如主家眷主靈奉歸 御贊 願首拜

監而且與聞其精固本之云

朱矣三 山子思之 雖天皇降子 轉氣山 冷子與 轉氣山 轉氣山

斷來終 如卦八 由家及 邑以 及天下 出而 轉氣山 轉氣山

○壽橫山母張孺人七旬薨壽序

節壽者何壽初陽方母七旬壽也方母出休之抗溪張氏為赤橋

橫山方君母笄年于歸二十九而失所天遺之二尊暨孤是時舅

姑垂老橫山未逾二週無同堂基功之親值祀脉如絲之時方母

黜^華志周旋蚤暮惟孝養是抵撫字是勤入供疏水出支有無百

爾庶務咸雍容以應之二尊得以優游康樂盡期天年於橫山尤

克勞誨卒能懋脩繼述弘前人之烈而家道益裕有孫二人長一

誠次一鳴皆卯角就傳肄舉子業千里材也今年六月為母壽期

余弟景和丐言為賀嗟夫如方母者賢以代終有妻道焉孝以奉

尊有婦道焉慈以鞠子義方以訓子而諸孫賴之有母道焉而又

節配栢舟完名高壽其可無賀也哉夫忠臣孝子義夫貞婦悌弟

均之得天地之正氣而續人道之命脉三綱所由以不墜者故聖
王重之然而或曠世而一見或數千百里而間生參辰寥闊若此
自非特立不惑卓然丈夫未足與議而况閨門柔資未聞大道者
乎余是以嘆方母之難也追惟母氏異域符休獨享年愧之欲養
不待不能不於方母而有感也橫山其庸無喜懼之思哉德以基
壽天之道然而日晏之離古人所為不以三公換其一日養也親
其親以及人之親吾言蓋色變者橫山誠得吾言而存之則壽母
在堂所以風乎天下也多矣橫山特達而賢孝故為之序以賀且
以為勉焉

嘉靖己酉

賜進士第徵仕郎南畿禮科給事中郡人讓溪游震得書

○橫山方君尊堂太孺人八十序

古稱觀母之賢能者於其子子能自立而母可知矣予嘗館於白
嶽精舍橫山方君偕其子一鳴授書於予視其貌則恂恂如也聽
其詞氣則循上雅飭秩有條理予意其必有賢父兄漸染陶鎔乃
克致此久之始知橫山未二週而父見背又鮮同氣之親蓋賢能
者則必有所以為之賢能者故有父兄之賢能而子弟之賢能者
有之矣無父兄之賢能而子弟之賢能者不為僅有者乎於是一
鳴生進而言曰吾太母休之杭溪張玄公女其德性其節行其智
識其才幹皆非尋常可及年方廿九太父見棄太母躬持節儉家
外紛劇不遑寧處資業賴之益以充裕誠於太父有光也至撫吾
父雖孤且幼而愛之未嘗不勞專擇多識端謹之士教以經畧世

務躬躰德義此吾父所以能立也予聞而憮然曰古有太姒之賢而後有文王之賢有孟母之賢而後有孟軻之賢王陵母賢而能成其忠徐庶母賢而克進以正此皆不獨所稟者一躰清淑之資而其居常之教有以輔成之也則夫橫山之有成而孺人賢淑之稟教導之善又可得而証哉况孺人早失所天而橫山在孤幼所以保其生慮其成者又營營然不能一日已於懷也如以中人之才智處之將必倉皇無措欲其不失先業亦已難矣况望其有所光大乎撫其孤而能育以成人亦已幸矣况望其行能之有成乎是孺人之賢不惟歷變而不渝抑且居變而有為也豈尋常之賢可及哉且託孤寄命繼志述事皆賢人君子之所難者而孺人如焉不為婦人之賢人君子乎今年六月八日孺人八十辰也予觀古來節婦多不以壽母稱蓋其至憂至苦凡天下至難言之情至不可堪之事奉感而結于其心集而投于其身往往摧沮鬱抑慘焉不任其劬勞而不獲享有夫暢遂康寧之福此節而難壽要亦苦節故也嘗聞之勉而為節者其節苦安而為節者其節甘今孺人之節蓋所謂安而為之者安則愉愉則可以樂其性而全其天年安則又慮而能應應則斯不憚難而足以集事此蓋孺人所以能此之道也今橫山生理無忝成德有造而孺人之賢益彰又推孺人之所以立教者課子一鳴異立身以為孺人顯揚之地而孺人之壽益永是為序

休陽高湖吳潛撰

張孺人壽序尾

人與日新之精益不長為年

益漸入而心漸壯之直也今蘇山主野無不山山皆造而歸人之

而全其天年安田不慮而歸也

安田而歸也

安田而歸也

安田而歸也

安田而歸也

安田而歸也

安田而歸也

贈方母余孺人高壽序

予宗方村上山鑑泉母余孺人生年叙諸譜者九十有三予

族衆見而奇之乃以慶文屬予義不可辭彼鑑泉

抵浮會譜見其重厚簡默粹然老成人也稽其素魚曰鑑泉

承父商谷公與母庭訓補邑庠彥孝友行於家謙慮著於鄉

不但藝冠士林已也孺人高壽駢福永錫難老耳聰目明猶

鑿鑿能總家務若少婦然是果何術以臻此哉蓋孺人賦性

溫厚得坤道為宮而居火而食雖無異人然坤體貞靜翕受

含章所以為發生萬物之基於茲裕矣故其生子四孫十三

曾孫十二履英器者為特髦士種之未艾鑑泉其長也年亦

踰從心之域源之一脉有自未矣觀子不可以知母之素乎

孺人蓋得於天者固如此然其從容婉順御家有法調攝不
 失其瑜以致元神不耗精氣未斷又以胤孫群小百順是將
 資之深養之盛而成於人者又如此夫豈若匹婦者悍馬吐
 啐罵馬嗔妬以為壺範累哉此德之所以備福之所以篤而
 壽考之緣不期隆而自隆矣又何惑焉世人之壽躋於耆耄
 固稱其為難矣而耄與期頤之域則又難之難者矣惟古松
 怪栢多挺生於斷崖峭壁之間千歷風霜而蒼翠不改其色
 亦以人跡所不至而牛羊斧斤無以桔其生之之機玉輝於
 山珠媚於澤而瑩然不失其故者亦以採取雖鑽之功未足
 以戕其本生之天焉耳夫物且然况孺人性命於天者厚成
 於人者裕永貞可久雖曰千百其筭可也九十云乎是謂崖
 壁之松栢山澤之珠玉而可以矯強於煦嗟呼吸之術也哉
 鑑泉之為人又寧外母而自為之也哉故於其孝親也可以
 觀孺人之仁教矣於其宜弟也可以觀孺人之義教矣於其
 接人以謙也可以觀孺人之禮教矣於處事之慮也可以觀
 孺人之智教矣非子無以知母之德非母無以成子之賢高
 孺人之壽亦所以高鑑泉之壽也雖然孟母三遷教非不善
 也而未必踰孺人之壽侃母却寄德非不美也而未必過孺
 人之年噫嘻鑑泉愛日之誠吾知其自有不容已者矣今
 聖天子在上以孝理天下老之之恩丕冒九有而孺人之子若孫
 苟能奮庸樞要則

勲榮於孺人多矣又奚待肉帛之賚也哉是為序 昔

萬曆十一年歲在癸未冬十一月吉旦

三奉

詔進階中順大夫直隸淮安府致政同知七十四翁昌江宗生

魯泉沂頓首拜撰

賀石亭方翁六十壽序

昔唐崔能為永州太守暇日步自西門見大石林立有坳秀出如岫阜鮮雲者有端出挺立如真官神人者有績潤削成如瑤瓚者有蕙稜剝銳如劍戟者又有如虬如鳳若陸若動者崔公如是立亭其中而命之曰萬石亭時文人柳子記之曰漢之二公秩躡萬石崔公之德始于閨門道合于古祐之自天公壽萬年是柳子蓋以萬石比崔公石亭而寓德壽與祿之祝君子謂柳子為善祝云乃祁閨石亭方公隆慶己巳春寔六十懸弧之辰徽州府幕僚群公府諸曹送事諸君與石亭翁子禮曹從事裕君友善先期請余文稱觴余聞祁之西北有石園園之後有丹崖古松崖之下有石布置雅類永州奇石而風雨之夕則歛雲歎雷景麗之旦則拂嵐

撲黛勝景名狀不可縷數石園之中有高士曰崇公字德紹者則
 據其勝而躡以崖松崖松之子曰諫公字廷直者則據其勝而躡
 以石亭夫石者凝然而堅確者也亭者屹然而卓立者也以此自
 况殆與松之挺然獨秀貫四時而不改柯易葉者同一致焉耳若
 廷直方君其善体迺翁之志者歟是故宅心正直無有反側遇事
 果决見義必為事親以孝敬聞家庭之中肅如也以言乎燕翼厥
 子長曰福君少游商賈福雖早世奉鄉人稱其克家次日裕君今
 為禮曹從事幼習儒業郡大夫嘉其清慎以言乎貽厥孫謀福君
 之子則有克相克孝裕君之子則有克終克信咸稱家兒至於友
 愛厥弟謨君而拊其孤子三人日視社社不啻己子恩義若浹洽
 九一門之內怡怡焉皞皞焉確守公之訓而罔或悖者其禹貢

青州之石也非有得于翁之石亭堅確卓立之教者乎又翁商游
 宜陽臨財不苟重義樂師好賢禮士之意藹然其在鄉邦行誼素
 孚士大夫咸推為耆彥其清修自守雖居于商而不囿于商者矣
 非勵介于石之操不負石亭而能然乎柳子記崔能太守石亭始
 于閨門道合于古祐之自天彌壽萬年又曰漢之三公秩彌萬石
 秩號萬石者祝崔之祿也公壽萬年者祝崔之壽也始于閨門道
 合于古者祝崔之德也石亭之義殫于此乎然則石亭翁之由六
 十而跨七與八直登九十期頤其壽偕諸崔之萬年矣異時泛事
 裕君功名以追蕭曹其祿偕諸崔之萬石矣矧孝友著于家庭而
 忠義孚于鄉邦又非德之始閨門道合于古以偕崔氏者歟柳子
 以祿壽與德贊崔太守之石亭而衍德壽與祿俾諸君稱觴賀翁

本柳子意云

隆慶己巳春正月吉旦

賜進士第通議大夫巡撫江西提督汀贛等處學政兼理軍務都察院

右副都御史欽邑周潭汪尚寧撰壽詞

合于古者所謂之壽也

下國門

壽麗川方君七十序

嘗聞談理人者謂世道之治忽由民行之誠偽與習俗之媿邪詎

知理身之術亦有然者而人生之修否固皆人事之淳漓時尚之

隆污有以致之其機不容爽也夫天畀人以形與氣而性其焉固

所以統其形氣而成天人道者也人惟泯其性而利其真斯形氣

為虛而壽匪完美世率謂風氣異宜運會殊遇而弗稽諸其性真

過矣昔夫子論壽而蔽以一言曰仁論生而蔽以一言曰直夫直

與仁豈有越于所性之外哉人顧弗求諸性而遂以古今人不相

及乃代序推遷為爾者豈其然乎嘗以此歷鏡古今統撥聞見莫

之能違也乃茲季冬姻友宗子慕椿汪子東山等馳書詣予請曰

粵來歲之正念四吉旦寔惟麗川方君古稀誕辰欲予一言以為

壽麗川方君七十序

嘗聞談理人者謂世道之治忽由民行之誠偽與習俗之媿邪詎

知理身之術亦有然者而人生之修否固皆人事之淳漓時尚之

隆污有以致之其機不容爽也夫天畀人以形與氣而性其焉固

所以統其形氣而成天人道者也人惟泯其性而利其真斯形氣

為虛而壽匪完美世率謂風氣異宜運會殊遇而弗稽諸其性真

君壽予固匪能言者豈足以復所請然於君之行誼誠知之為稔而二子遠臨之情兼不容者爰即君之所以臻是壽者為言可乎蓋其自少至壯以逮於老齡則崇實而未始有浮靡諛偽態世守其敦樸之風無終始殊焉持心公制行慎而與物厚啗然若怯由是近而族姻以孚遠而里黨以信至於縉紳君子多推重焉若庠師新齋余公則記其敦仁之堂以表厥世德若邑父母巽川桂公荔溪曹公存敬朱公咸委君者長且以秦法守禮旌焉今姚父母益翁允慎許可者亦委任之而嘉其謹厚焉邑校屢以鄉賓薦輒謙退弗就其敦厚慎類如此則于夫子所謂直所謂仁其殆質之有近者歟固宜其登茲年壽也豈惟是哉君且于厥配孺人偕老一堂而厥子鵠塘厥孫貞卿厥曾孫乾元重偕歡養殆將由茲而履老至、陟期頤而膺大順享介福于未艾也已則此徵之則謂民生之修否緣於人事之淳漓時尚之隆污有不信然乎哉於以推諸理人之術豈不同揆而一致也歟抑君之敦樸愿慤蓋得諸性資之近者使其從事學問以明所謂仁直之道則所以理其身以完其性真以躋夫天壽尚有深于是者矣君嘗遣其孫貞卿送學於予與聞夫壽身壽世之術者誠能允迪不怠以造于光大吾見其壽乃躬以及于家達于天下彰君之壽於匪涯也寧不可冀乎哉然是道也豈獨以為君壽與哉理身理人者得是說而存之用以進于先生壽之道可幾矣

皆

萬曆七年歲在己卯春正月吉太郡湖邑儒學訓導眷生慄所汪

也既頌其兄奚吝其弟予為令叔道聞松庵為人篤於孝友其倫厚矣正直不阿其守定矣家富而禮勤於士夫貌恭而和孚於交際立綱陳紀輕財嗜義蓋里之所謂有德者也傳曰大德必得其壽苟能因是而益懋厥德罔怠于終以養天和以迓天休則由此而古稀而耄耆而期頤皆其所必至也于國也永享昇平之樂于家也益隆垂裕之仁于鄉也亦負矜式之望豈特今日而已哉荆劄再拜手曰方氏出白雲源望族自世祖述祖彈琴休邑遺愛甘棠因就盛門而居歷世殷富節有聞人至大父考實公克敦前備鄉邦稱為善人故堂有積善之扁今松庵與伯兄竹坡仲兄梅崖遠佞而親賢毀方而瓦合不替祖父之遺風高大于公之門閭開拓鴻址丕振家聲且能以義方訓子孫是皆可頌也予曰昔后稷立功唐虞公劉克篤烈太王肇基岐山王季文王積功累仁以致發斯發又受祚無疆今况松菴之世德實與周家相頡頏矣故亦及旌連綿享福長文行將必有躋膺仕之榮來丹詔之封有不待期之而自無不至者矣奚容贅于荆劄拜首請付墨鄉俾長鬚馳壽松菴之堂云

皇明萬曆甲戌夏六月穀旦

賜進士弟奉政大夫尚寶司卿都山汪文輝拜書

慶松菴方翁家塾落成序

隆慶己巳正月四日寔我族紹英會歲試之期維時章絳萃止縉紳畢會余忝衣冠之末亦與襄試事焉族子天鳳拜首進言曰海陽方君松菴質行人也拓先世之遺趾垂燕翼之鴻規鼎建華廈行且落成姪館于其宅思得雄文以章之尚其惠之言乎余謝不敏太尹鹿崗叔曰松挺秀岩谷節負歲寒或柱石廟廊或函貞林

整方翁取此固有德而隱者也大尹桂村兄曰赤松志遊鶴仙棲
隱寶蓋擎空翠菴倚霞方其有道者流乎郡博姪三吳曰唐傑方
十氏子姓蔓衍吾徽諸方皆其裔世有聞人方一舟與吾司徒東
牟有子女好方因世姻也內翰姪中山曰先少保榮和公與方樵
隱大學士歷稽海內文獻新安以汪方程為著是故人文煥發甲
第連雲松菴其通家乎別駕姪南渠曰上棟下宇原者易肯堂肯
構見諸書烏革翬飛頌諸詩美輪美奐載諸禮記老之頌在禮宜
馬寺副姪孫楊山曰升高堂者仰光前之休建安宅者開裕后之
慶方君之居如松之茂蘭桂森々為國之貞是將後大夫之封兆
三公之祥者也夫鹿崗表其操桂村述其高三吳紀其誼中山論
其世南渠加其績楊山徵之來者也是皆可頌也曩余寓竹林與
姪孫心亭遊獲觀梅庄菊花詩知盛門有方氏也迺今詢知為松
菴兄竹坡弟方其詩禮之家乎是尤可頌矣遂次第其語書之遺
鳳俾持以登方氏之堂云

賜進士第觀工部政眷生汪文輝拜撰

松菴尾

賀憶椿六袞華誕序

余頃歲纂補家乘粵自元老傳至仙翁支分徽饒者悉
統而會之因得徧閱諸宗子姓之繁衍人品之優劣事
業之崇卑與夫行誼汗隆創守繼述之懿蹟歷歷指諸
掌乃休之宅瑞人文家學後先相望其曰世良甫者別
號憶椿蓋衰然宗之瑰偉倜儻士也憶椿幼失怙能卓
然自樹砥礪節槩異媿美於脩敦愛敬謹廉隅事母克
孝雅為鄉閭推重顧性磊落不羈恥為斗米折腰寄適
水雲縱觀名都大川以廣耳目以弘用物而擴豐亨豫
大之業休邑稱詩禮巨室孰不謂宅瑞有憶椿云乃茲
夏五月十有一日寔其六袞初度厥子一雷思欲壽其

親以遠且大者於是謀之宗茂定宇定宇不遠數百里來謁鰲峰子且致一雷之意而命言以為憶椿壽鰲峰子曰於戲善哉一雷之壽其親也世之為親壽者或聚水陸之珍而侷物以稱觴或列紈綺之繡而致飭以炫靡或羅殊方之玩好而獻奇舞斑以為娛類亦足以語孝然此有力者之餘事孝也而未至也一雷顧不為此惟欲得達人君子一言以榮美其親固有淡珍羞而薄文繡者在視之獻奇舞斑何遠且大哉雖然尤有進於此者余聞憶椿教子以義方諸孫岐嶷皆授之舉子業使一雷伯仲率其子姪力學成名以顯其親而益光大其門閥憶椿之心不尤陶陶樂哉心樂則情適情適則氣暢由此而歷耄耋享期頤食福尚未艾也六褒云乎定宇再拜謝曰公之所以壽憶椿者誠為無疆而錫類一雷者更遠且大矣遂屬子姪輩書諸軸以賀

皆

萬曆甲申歲孟夏之吉

賜進士第中憲大夫福建按察司副使宗生鰲峰祥書

與進士第中憲大夫歐陽氏宗室孫德壽
萬曆甲申歲五月庚子日

引

贈桂府柳衛千戶方君序

方君昱近受命千戶柳衛司秩五品視武畧將軍之階與祿澤
世襲恩至渥也於是廷謝將返凡同鄉僚者思慶

上賜為府僚之榮請予一言惟君為徽郡祁陽竹溪公之苗裔洽
公之十世孫也方君勇踰鷹揚壯服士卒入奉燕閑出備倭從甚
為邊陲之所畏伏為言于

朝獲茲命焉是雖

聖天子篤垣藩之重而君恪慎之則固有得祿之道而不可誣者
矣方氏世居徽之祁門得山川之秀寔多且專故生子為奇男有
志清志滿志珊生女為淑媛有廣春柳春生孫為秀士有鐸欽錢
秉靈萃精照耀后先足以聯玉牒之書備國史之編蓋非特門

闕之慶也已恭惟

聖天子宏仁霈澤榮君之還勗君之行以為方氏方興未艾之祝

亦非特桑梓之好也已矧一府之中文臣惟長史左右武臣惟儀

衛正千皆號元僚輔掌其禁衛之防所繫甚重也方君勗之異以

持已而不矜約以處家而不侈勤以居官而不懈親賢士樂善言

使行與茲增名與位升斯无負于

恩典而有得于鄉僚之贈言金緋之榮將世之貴盛于明時

可前卜哉予與君同鄉郡故輒序之不辭

廣西桂林府督軍同府鳳梧黃日新贈

大詔許東回首 忽上挽不啻 手分辭柳郡 棹發返徽州

嫩綠漫青障 鮮紅降碧流 使君回首日 借問樂與不

壽筠窩方君六十篇

魯峰子獨立子天應超庭謀曰筠窩方君眷丈是月之六晨年登

耳順曷之賀曰奚賀哉彼其常耳盖善者天必福之之必壽嘗按

方君行素世韜光舍城市予姐夫也當予補庠弟子員每坐其廬

伺謁公室觀厥父耿介翁造權量準符黃鍾夥人私匠大小異用

翁度而知怫然毀棄貿易價蕪輒芥踵還困窮能周給貸之不責

償比和者避悍暴者恭鄉稱善良辭不自居誕子有三君其伯嗣

獨愛淑善類已君慎尔出話敬爾威儀別誇耀俗振崑瓊行不和

調美食不絲綺侈衣勢利罔逶迤糜曼罔艷恣輟遠濫觴蟬脫機

械儉常若耗家慎常若遇醜事縱劇而纖微必到人縱微而礼貌

也歲遇凶荒粥濟鄰戚志惠也一奉一動悉遵世轂繩武也市廛
祝融烈焰攬傳君方與子移貨殖內宇踵即爇燔外楹煙颺迴繞
隳君父子倒地適一老人皓鬢幼顏其衣玄黃其飾蒼碧持杖當
前先示懸帛下其子繼與迂易燃之物徒橫池之櫃命取兩楮協
力汚池涸垣隨墮君罷勞仆撫背起漑時赤精猶孔熾燿辟如晝
然後與運株蕨之贖注之池水泥塗畦隙君止及下而上者秋毫
老人方炎之馴息老人飄然道仗杖登樓莫之所適君亦不以何
人斯惟偃而卧迨家人媵支啓門祝眇四顧垣壁盡塞壘尚潤覺
君詢問君始且驚且言晤彼神人也稽首叩空曰某何德爾佑也
人眩聞為善報予亦奇之已初郊名洪胥虎藪也時值月夜山野
三虎當道君自遠來未眺前虎猶肩傘緩步儂泯隔岸遼望莫不
為君讐怖至則虎俯俛盤倨俟君過涉水登岬漸遠其所然後起
奮頰張牙孝聲掉尾予適之胥山之陰言者盈道皆指君遇猛獸
而獸無威必德馴也予聞而嘆曰千金裘匪一狐腋大厦成匪一
丘木百順駢匪一念善由隱隲累故顯佑數也此行素大緊爾已
今發耳順蓋天定矣况傳世未有六十物化誠善者常也君方視
若遼東豕奚賀哉子天應退予寂思曰世咸以壽有吐納經申術
煨煉丹鼎藥詎諳良彬良藥在養性養命夫為善者心以慈詳而
靜、則恬淡保神純素聚精愛惡不棲于衷喜怒不畱于意變詐
不害其氣奢芬不索其形休、俞、呆性命真自尔壽也蕩、上
帝若默相焉竊意方君躬有之也繼而思曰夫善之物至粹至精
大莫極深莫測施包群生澤及蛟螭積之名顯章之身尊流之慶

永明無人非出得神祐世能兢々如謂風雨如晦雞鳴不已受天之春譬日者卜祝逆其壓紐聚雲也又竊為君躬得之也終後思曰予次女孫生而穎異憾不為男意慎厥婦雖朱紫豪右未始輕笄惟聞君聘即字筹其善必迪乃嗣昌乃後也故與結婚媾然骨肉之恩豈不可踈親々之道實在敦固君介壽焉可無賀云但朋交不相德怨親戚不相毀譽予於君親戚也譽不敢也質筆論君善者輻輳成篇不加文飾偕子以之稱壽

皆

大明嘉靖十七年戊戌冬星紀月哉生明日

陳州學正歲薦殿元相潭忝眷生魯峯汪潭頓首拜書

竹坡說

竹坡方君治岐黃業而於後明之術尤擅其良遠近造求厥劑類竒中信効縉紳諸君子咸嘉厥藝予亦以是善君而猶未諗厥實頃者鹿川子遣其孫栢生從予遊延予於雷鳴館々接君所居為迹君過而訪焉予因以君所謂竹坡者訊之生々起對曰竹坡之義生固未稽厥謂也然則先生日所訓生者而求諸吾魯叔祖之所勩履豈有可述焉者惟曾叔祖性博友愛幼失怙厥兄崇實鞠之爰事厥兄及嫂若考妣逮兄既歿撫視其子若兄之視已也勩劬終始惟一致居常凝重祇慎砥行自栢期無忝前人訓々厥子詔試講惟義方愛而能勞其處宗黨率毅直弗阿茲其素躬之大致也其寓况於竹也將無有似尔乎予乃適然曰嘻允若言君之

取義於竹也善哉夫竹之為物也其中虛其幹直為節也介為質也瑩為韻為文鏗然而有斐蓋備君子之道焉固未易以契焉者予嘗觀君身人居和易弗狎持已謙抑衷然其儀乃論隲人紀恒以無渣無滓為的趣固迥然殊也茲生稱君行誼後輩之可詡以吾所聞見合生所云叅稽之君之契於竹也其深乎哉夫其友愛因心是謂厚於本矣坦壞罔飾虛其徵矣疏黨弗阿直其彰矣制行有常剛可推也論物無滓瑩可驗也和易近人韻足聆也謙抑匪侈文足覲也兼是數善而迪於躬則君之取況於竹也其良有似焉耳於稽厥行以諸擬竹殆觀物也善而晉德也弘矣其於君子之道幾乎哉既則生以予言為君陳焉君撫焉曰某之謏詎足以當君子之詡抑其言足以發吾志俟晤而請焉以為昕夕規

乃書之以後於君用俾厥嗣祗述有恒以光昭乃德

隆慶五年辛未冬十有二月中澣吉

太郡湖邑司訓眷生慄所汪應孔書

大滌麻子石... 題仙翁廟... 劉巖正... 仙翁祠... 題玄英先生致仕... 清節功名德澤存... 先生風度柳夷君... 會稽桐廬居逸志... 鑑湖

詩調

題仙翁廟

門前流水自漪連
洞口桃花不記年
寄語道人休點易
鶴來便好上青天

讀易仙人去不歸
碧桃和露鎖岩扉
至今溪上浮雲起
猶自當年白鶴飛

仙翁祠館壓層嵐
下輒平時十里寬
譜牒共傳唐篆刻
丰儀仍是漢衣冠
紫芝白兔靈如在
石碣丹湖事不刊
千歲仍孫車馬走
教瞻遺像仰高寒
不白雲林專障方
有開

題玄英先生致仕

清節功名德澤存
先生風度柳夷君
會稽桐廬居逸志
鑑湖

鶴渚釣波心

題玄英配享子陵祠

風雅先生舊隱存子陵臺下白雲村唐朝三百年冠蓋誰聚

詩書到遠孫

山竹溪音韻

竹滿平墩水滿溪月來光壓竹枝低西風漸老枝頭實豈道

岐陽有鳳棲

赤岸橫虹

直橋凌斗絕朱檻映清流一德阜民物千年名不休玉帶抱

山轉金魚逆浪遊茲來訊形勝詠望仰前修

栢麓風濤

避地新安郡支分幾處存人今青栢段系自白雲源禮樂承

平日衣冠者舊門夜窓有燈火耕讀到諸孫

東學塢淵源

大家多偉器清世有真儒桑梓叢陰地春深化雨濡

印石昭文

隕星誰矩琢洗雪古鏡傳炳爾文章兆毫光夜徹天

白文峯插漢

銛鋒屹雲際華翰洒天邊定有神人出奎光起目前

以上出赤橋八景題

南軒

我愛南軒有隱居不將白髮混紅塵貞風高榻忘身世明月

清風自主賓菊對霜前香晚節梅尋水畔得先春無窮樂意
還分付管領而今更有人

西郊遊齊雲山有感

天門自古洞長開物色留分待我來欲上碧霄觀九鼎還臨
白嶽望三台風微日煖連金闕雨潤雲陰下玉臺五老烟霞
長自伴何年騎鶴絕塵埃

送游給事諫溪赴京

分兄字

長亭送別各留情遙望旌旗上玉京言抗金塔誰不羨名題
諫院更何榮一朝臣主如魚水四海英豪即弟兄為國憂勤
心未老桃花應種滿皇城

宴金陵鳳凰臺

故國山河壯帝州忻逢風景謾同遊紫金山上雲恒擁白石
城前浪半浮北極宸闈瞻玉陛中書午日覆金甌休嗟榮辱
論今古醉臥東風百尺樓

九日登高

茱萸綴廣菊浮觴獨訪崇阿望八荒落帽龍山人不識遙看

旭日上扶桑身却與嶽峯上上四首西郊沾題

賦雲臺義塾詩

派流無復源枝分無復根水木有何意生民抱性靈宗族視
君獨念同親山田餘家食子性供明經非徒耀金紫禮
義興資人願言力畝畝歲報秋成美哉稻梁秀辟彼芝蘭

馨山田餘家食

五十嶽

鰲峰戒語一

志不可驕怒不可恣樂不可極飲不可醉傲不可長利不可嗜行不可妄言不可易允此數者伐身斧鑕我生謂何忍于

自殛

二

謹酒後言戒食時嗔懣客氣忿遠奸險人祛分外想敬堂上神安道義命葆精氣真允此數語是式是循可以順性可以保身

三

恩我勿忘犯我勿較五常勿背五倫勿薄立心勿刻待人勿畧有長勿恃無益勿作慎此以徃庶幾鮮錯人道謂何可不

自恪

四

忌莫呈能疑莫獻忠巧莫愧拙勞莫矜功輕于求人厚于責躬毋惑毀譽毋墮困窮勉旃斯語德盛智崇既寡尤悔亦克

令終

鰲峰有感一

得舒懷處且舒懷苦碌心枉自痴騃打開塵網是高才那羨慕八座與三台流光似箭不重來休錯過詩酒生涯醉花前歌月夕榮枯得失一任命安排

一

得含糊處且含糊愛皎潔偏場惹汚幾人到底徹冰壺但只

願大事莫糊塗巧人原是拙人奴
煞便宜摸稜老蘇飢來飯
倦來眠風波滿眼驚不着愚夫

三

得嬉笑處且嬉笑看浮生那些緊要心無煩惱方纔妙閑話
噪一筆都揮吊綠水青山任遊眺同歡譁無老無少闢百草
嘲蓮歌清風明月三弄梅花調

四

得容人處且容人寬肚皮萬物皆春是非毀譽未湏論養吾
神從他拂意莫生嗔魑魍魎自紛々怎能勾逃世離群濁
不濁澄不清愛憎冰炭都只當浮雲

贈孝子雲臺歌

君不見世人其肯稀承懽君尚廬墓松楸間君不見世人過
望兒孫祿惟君分田訓合族羨哉君能孝且義長路風塵早
年避幽貞卜隱雲臺山繁華視作微塵弄牧羊種樹託徜徉
時共漁樵命酒觴醉後禮忘賓與主悠然身世即羲皇

其一

我祖方雷兮贊壽丘我家女節兮配軒猷御黃帝兮運四海生
青陽兮廊九州玉葉瓊枝兮間出株源錦浪兮分流高門畫戟
兮卿復相翠蓋珠旂兮公與侯

其二

堂之兮關內皎之兮若昧進德兮有漸強學兮無退蒼龍入藩
兮孔揚亢龍夾水兮有悔桂與蘭兮不滅珠與玉兮粉碎

其三

彼美兮僊君真明兮絕群鴻姿兮漸陸鳳藻兮凌雲似夔鍾之
朗暢聚獸昇之氛氲屋孔門兮有顏閔之令德處周代兮有旦
奭之元勳

其四

位下兮才高有時兮無命敏知未兮藏往學窮途兮盡性論天
道兮通神測星圖兮合聖終大隱乎市朝不止交乎權盛

其五

孝乎惟孝玄之又玄乘鳧遶霧駕鶴凌烟龍棄骨兮出倍蟬脫
皮兮上僊時黑風兮震地果白日兮昇天

其六

煌々其烈灼々其美東吳之精南國之紀潛虬龍於一室騁騏
驎柁千里何天地之不仁通諂諛運地

其七

駮侯族類方氏宗禋或製錦百里或提舉十城陸離珪璧烏奕
公卿邈四海以鵬搏昇九臯兮鶴鳴代積龜鷗之慶家承昂鶴
之榮族亭々兮嶽立門簇々兮風生

其八

植翠談而頌美建鴻緘而篆刻恢廓兮家風揄揚兮祖德墳哲
地而四起樹參天而一色年々歲々兮春復秋子々孫々兮千
萬億

萬壽
出而四...
真

質菴方君行狀

方君諱鈿字德章號質菴出浮甲族令子沂以春秋領丙午鄉薦兩上春官未第為親老就教浙之潛庠迎養承懽端架造士踰二年君忽思故園子留不可歸僅暮疾終正寢潛士惇廣文之去速而喜君有古人風相與代謀行狀適予燕脩

國史未暇弄文墨潛乃先君舊遊之地且方君有桑梓雅因封還書幣以族嗣畱越數年方子補官宛陵歷擢南服政聲藉々屢敦薦牘秩滿奏最例得
恩逮所生君先贈文林郎應天府高淳縣知縣繼贈奉直大夫鳳陽府泗州知州厥配閔氏宜人偕沐
馳典倚歟休哉未幾方子又承二淮之命矣時予蘭省通考徑淮

北上得函方子於市喜而歎曰先人之幸有是哉頃會劉子判
宋子推皆同鄉也坐談君履素視昔潛人更詳代請史氏一言
予顧東山母穎而直紀之曰君為童時彝性中涵善端天啓一
日鄰有程孺子與群兒兢戲撲顛披血群驚返君獨塞以香燭
扶歸程母庭謝乃翁曰汝子善哉當昌後也他日君見道上遺
金旁給款分之君力止不可得矣生泣且曰君詰其故則梁姓
梓工鑿也悉付還之識者知其不為改矣及長恬淡古雅不干
聞達躬修孝讓其濟人利物猶不失赤子心君父客蘇杭同侶
閔某疫斃於舟殮襯清殖以歸君請遺貲亟償伊子畧無德色
至今感誦未衰雪夜君寓田舍聞牛喘聲喊人起視則牛已出
戶矣當獲盜相認君諭法釋去盜後私具以謝弗納且云牛

未失而復沒其利仁者不為而謂我為之乎異母弟三次補庠
生君深重之常見腹痛積有久艾分痛之情或事產弟所便即
與之弗吝怡之焉至老不倦人謂田氏之風復見於君矣乎遇
父母有疾不解衣而寢顛天以身代及治喪悉遵文公家禮殮
殯哀毀其淒風悲木落月屋梁之感不但三年也已年踰弱冠
無子病瘡甚伯姪悍利嗣產賄醫不歆生者憐之矣君忽夕寧
神人呼語曰汝算未已終獲善報更生齒不及夢待悍者日益
恭竟不啣恨庶母喪明百順是將謂非沒身敬之不衰乎父遺
手澤讓而受惡謂非以義不利乎凡宗戚事變恫若切躬必
曲為之所而後已故平生動循禮度絕跡公庭規家有訓警倍
有歌富貴紛華毫無歆羨故本尚質當於古人中求之視世之

竊波自潤借光自灼者殆相宵壤矣君其賢矣哉邑侯汪少泉
阮鳳墩接榜其行以風善良數請實選以協士論有如此者君
雖隱晦未仕至於囑子入官倦以家世清白為言而令子克
勵官箴任無留資至今成廉能之名駿然宦途猶未可量也
君以子貴 綸褒疊錫輝耀泉臺頌不榮哉君之子四曰瀾曰
沂宜人閔出也曰洪曰澄側室許出也孫九種未艾人以謂
善行之驗史氏以謂食舊之報然有徵哉君生於成化己亥
年十月十三日歿於嘉靖丙寅年五月初一日壽則七十有六
也茲行也予蓋聞鄉譽之美并請狀者以為實錄云 昔

嘉靖丙寅年秋九月之望
賜進士第嘉議大夫南京禮部尚書前翰林院侍讀學士同修
國史官吉安鄉生洞山尹臺書於淮陽紫極宮公寓

休邑山溪方文琳公行狀

處士諱文琳字子儒別號竹坡居士其系出漢黠侯儲之後侯之
胤唐臣自嚴遷之我徽篁墩後智詠又遷祁之赤橋至五四叔林
公迂茲山溪迄今三百餘歲高祖伯辛曾祖思王祖彦啟父拱辰
君子相傳文物彬、至處士又加美焉處士脩躰美鬚鬚善言語
理影劇井然有條而智識又鮮与伍者少習舉業有大志曰拱辰
公倦于勤勞欲解家政乃屈志承揖凡父志欲為事當為者不辭
劇易及拱辰公歿乃奮然曰男子生志於四方胡事家人生業為
也乃挾貲遊江湖遍覽名山大川廣交當世豪傑凡縉紳先生皆
愛其文雅樂与之友率是數年而歸行羨日修聲聞日廣鄉有紛
爭則請質以直其是非或者寧屈已相遜而無見羞于處士族有

父母俱亡而孤貧者即收養之比其壯為之婚配置室廬以居之
又卜地以葬其親鄉之賦例非大荒無蠲除獨則然曰歲有豐歉
當與主佃共之使彼盡輸則是主無凶年而農無樂歲矣乃量
歉以入其租佃者咸說嘉靖壬辰予館白嶽麓遣其子沾就受尚
書冬延其家談笑連日所語皆以理勝論星命則曰命之理微尼
父且罕言之曰者淺識何足知焉人但盡其在我推卜禍福何益
也論地理則曰葬親者葬心也附之以槨厚之以灰水蟻不侵則
吾心安而親體魄亦安矣安事山水之勝以徼福利哉凡所論列
大率類此誠為信古清修君子也至嘉靖癸卯忽病淋屢藥不效
度不起乃集其業及圖書教卷付之沾乃誨之曰守成之道勤儉
為先親族之處和氣為要沾北面跪受又諭曰吾子沾於

嘗竊非之蓋人子送終待以先聖之道亦甚榮矣安可置親於夷
教中也言訖而卒訃間遠迹無賢愚咸悲哀焉處士生弘治癸丑
八月十七日歿嘉靖癸卯四月初四日享年五十有一初娶黃川
邛氏生子一即沾也娶南溪汪氏女二長聘東亭潘洋氏次聘碧
山余世用氏孺人先處士而卒繼娶萬安街吳氏尚在堂无恙沾
走書索予撰次其實予為述之以示後俾觀者有所感慕與起云

嘉靖癸卯歲秋八月念二日邑庠生高湖吳潛拜撰

文琳尾

稟三府君墓重修誌銘

祁北偉溪聞鍾塢口此予始祖稟君墓也負壬面丙自唐而宋而
 元而我明歷年遠子孫多散處而墓之名尤在其塋域羨蕪漫
 滅已為糞穢瓦礫所積田渠溝澮所通豕畜牛羊所踐牧豎樵爨
 所戕為之后有人心者過此寧不為之戚然也哉嗚呼千柯一根
 万派一源茲族屬蕃盛簪組蟬聯甲科鱗次為新安著姓聞海內
 多我府君伯叔始也始之不念豈復戴頭顧食粟衣帛而為人傳
 曰自仁率親等而上之至于祖自義率祖順而下之至于祢是故
 親、人道也人心天理之不容以自已者今日人為我之祖后日
 我為人之祖云何不思而恣然忘情于此哉嘉靖丁亥冬予族之
 縉紳諭予予率諸族衆以修葺府君墓為事族之人感發共起無

不惻怛怵惕更相激勸優裕者助其貴庸敏者効其力通徹者盡其謀老稚大小奔走服役其事逾二年而功告成壞墮者已整崩圯者已崇巍然如魯靈光之獨存豈不為數百年人心之一大快也哉自今而后世守其墓祭奠不遺則不負于文献舊家而我府君亦可以瞑目于地予家先世睦州桐廬鸚鵡源人邦元洞構亂惟佐府君迄今赤橋自赤橋徙石磑雷湖山后子三伯道仲斛予稟府君其季也從祁門備溪之上居焉厥配孺人胡氏石磑徐坑人葬備溪村心墓址尚存予誌府君墓已繫之銘

本固未茂

源深流長

德厚光遠

此理之常

集哉斯丘

大明嘉靖九年歲次庚寅仲秋丁祭日吳坑口裔孫方謙拜首撰

萬曆十三年歲次乙酉孟秋月望日赤橋

一鳴 校刊

休邑山溪思王方公墓誌銘

公卒於是百四十六年矣五世孫廷正君請誌其墓曰吾先自宋家山溪明興人物繁衍而門第分焉吾門之祖諱思王合門二百餘丁皆公一脉吾忝庠序恒以先公泯滅不傳是惧因持厥狀示予、嘆曰嗟乎未及覲公而能誌公哉雖然人有曠世而相感者况公後盛而傳耶按狀公號崑山其先出自大唐玄英先生後先生居嚴之白雲源隱于鑑湖其後辟唐季亂徙我黃墩無何又徙祁閭赤橋厥後圭公任太常禮院秘書兼尚書事自是子姓漸盛越萬四諱叔林以殷積殖產我休山溪愛厥山水秀練遂家焉至公凡九世公祖士宜

大明辟任南京監冊主簿祖母程生伯辛即公父也公母葉孺人

異母程生弟思順出繼玄公配鄧生子三長曰彦政早歿娶王孫男五永留永存永和德釗德脩次彦敏娶胡後娶舒孫男二胡生宇清舒生拱辰三彦政娶余孫男五若憲若懋若思若愈若惠公平生諒易平直內篤于孝友外孚于忠實不戚、於窮不僥、於得不脩邊幅與物無牴于、怡、率其性真終身無過舉時方伯按郡道經公鄉公以鄉老迎之輒以寬刑辟緩逋負獻卒致伯悅將欲擢任竟以病謝及疾革諄、然以德義訓歿也鄉之人無大小踈戚遠近莫不哀思焉公生洪武乙卯卒年正統己未得壽六十有五是冬臘月念三日卜塋黔東逸練上平山其山月狀公穴左角坐兌而面震南去祖墓十武而近去家八里而遙公嗣敏尤特達暨孫拱辰曾孫文琳碩德世孚都邑至今猶嗚、然頌公之後此其犖、最者琳生祖沾秉祀崇儒一鄉偉人廷正君為其伯子受尚書里選首擢為博士家推讓篤志敏孝青紫其能事耳而後後復渤、然興休哉公其不亡矣夫廷正君舊與余同文社以交遊之誼誌固不容辭者銘曰

方氏之宗出自鑑湖山溪之居萬四令圖奕世而後克振厥初英英公紘衍前慶而裕後謨平山窪、黔水湯、崑而脩阡鳳峙翫翔嗟公室茲以永以歲以引以繩以莫不臧宜其鍾山川之秀運發天府之文章篤生英哲佐大明而無疆

萬曆十二年甲申夏吉

賜進士出身文林郎知江西道鄱陽縣事邑人程朝京拜書

○明處士直橋資公墓誌

憶昔直橋方公資以敦叙建書館于橋左顏其扁曰安仁以館記屬予獎忽隔數載而公悵々乎其長逝矣幽明路絕予其無負爾哉時公與予論安仁之義其言曰仁為虛名其生々之心充于父子君臣兄弟親友而可見者實也故曰安宅々為定位其父子君臣兄弟親友暢然流通于吾心而不可見者虛也虛々實々而仁道其至矣公幼習舉業從胡棠山先生遊文弗利因携千金應例入太學途遇姑子張弘輩落魄江湖不可返公憐之曰吾忍此哉遽傾囊不俟一券而歸又有外弟李雲山者母親姪也解龍衣遭弗偶責禁苦弗堪公力為營辦不足復告諸母鬻田補之同事十余人並得全活以出亟走公謝曰若輩即死當啣環公慰之田設

求報吾已弗為之矣然公自是家日窘薄恨不得見所志內觀諸宗族外接諸鄉閭猶遽有憂人之色予詰之曰公昔之為此也得無從井救人矣乎曰非也仁生于見不見而施是自罔也見而弗施是自欺也予喜之曰吾固識公為井上人矣因勸就學得遍交當世名儒如鄒東廓錢緒山呂中石游讓溪周都峯謝惟仁洪如之諸公悉闢良知天理之說並以誠實不欺休之游藝之余雅愛名山水每得意輒拉伴登臨生意騰之滿目睫人莫得之者茲其為說曰天地吾郭郭也日月吾心自也山川花鳥吾之意與文章也優游之與時俱化置身天地民物變態中如浮雲卷舒意味自閑此其安仁之資受道之器如此性至孝祭祀必謹雖蔬菜月朔必齋荐而后嘗祖斌父沾公方二齡沾早世母李氏矢心樹公志公日有造焉念無以彰母氏節故篤向聖學砥行以自表見其先出唐鑑湖方干公后遷直橋自智詠公始傳至圭公以春秋及第屢官太常卿署尚書事號竹溪先生歸修棧道于直橋而朱之因名曰赤橋公曰直美德也故仍以直橋為號著葵經一編大要祛時人之泥于法者初娶張氏繼室謝氏乃大方伯瑩公姪女也出子一儒太學生次一僑側室周氏出子一僑一僑公生于正德癸酉年九月歿于萬曆丙子年十一月以是年葬于黔南前坑為之銘曰

世衰薄誰為仁沾之惠驕諸隣人物於我為越秦虛名實位俱非倫實之虛之通吾身見與不見念始因殼赫過堂天下存此念之動努千鈞公獨何不與世羣良知之間此

知真山川花鳥貌公神

萬曆六年 非月 之吉

賜進士中憲大夫知温州府奉

詔勅加俸進階各一級前監察御史春生覺山洪垣頓首拜書

資公誌尾

方母徐氏孺人墓誌銘

天順二年戊寅春正月念有七日方母徐氏孺人卒之明年冬十有二月甲申卜而葬之又一年始克銘其墓蓋有待而然

海門先生李君為余鄉 一日

京因與余叙舊於公館而持狀請銘於然孺人之 即余姑也

余於孺人為外兄妹銘可辭乎按狀孺人諱早弟姓徐氏故所

江杭州府同知徐公德麟女也母張氏本邑之車陂里族也孺

人年既笄婦處士方公存恭存恭幼孤惟母氏存焉孺人事之

克謹治家以禮飭己以禮奉賓客有節待尊幼有體至於族姻

內外靡不處之盡道閒嘗飲食必極粗厲而歲時祭祀務加豐

潔且朴素常服之衣澣濯至再四雖極垢弊而不忍棄其他服

食率如是以是鄉曲里閭咸稱譽之無間言其卒也人莫不悼
惜之曰賢哉是母孺人生於洪武辛酉五月初二日亦特歷春
秋七十有八距處士所歿之年又十有五年也生子三長曰希
轍益娶車陂張安智女次曰希稷娶南隅余德昌女又次曰希轍
娶長安鄭檢校姪女為邑庠弟子嶺不幸先孺人歿女四長曰
茂貞適樵溪朱振德次曰蘊貞適北隅葉克忠又次曰郁貞李
海門先生配也又次曰賢貞適車陂張景隆孫男六長曰元亨
娶西隅黃義官女次曰元貞娶北隅閔德安女又次曰元吉娶
長安朱弘道孫女又次曰元愷元勳元良皆未聘女二俱在室
曾孫文相處士塋於益源都錦繡塢庄後之山孺人先附葬於
處士之墓今遷塋於尚義都程塢之原銘曰

嗚呼堪憐

有命自天

孺人之德無愧

孺人之壽隆焉

令子令孫

克振厥先

貞珉之表

庶其永年

天順四年庚辰冬十一月朔

賜進士出身山東布政司叅議同郡劉萃書

方母寧氏孺人墓誌銘

孺人族出邑之湘湖府庠彥寧南湖先生女也幼失怙恃恪遵
姆訓性敏儀莊有乃兄考城公漸齋風範暨長結褵於松峯是
謂以德配德矣繼相夫作賓王家歷著聲績冠裳媿羨喜食報
焉孺人奉尊嫜以孝敬伯仲以禮飲妯娌諸媳姪以和處內處
外敦大體無間言直與古王珪氏內相為頡頏也孺人其賢矣
哉庚子生男曰中秀甲辰生女曰新英接罹痘變抱痛含瘁者

父之孺人慮已不孕遂捐服飭娶胡氏為後圖也且膠木下逮而胡氏得煦。安室子生中正中允中弘孺人即愛如已出碩復之恩夫豈聲音笑貌為哉長則延師教授館業而三子卓志進修凡見其子者靡不嘖嘖誦孺人德也松峯篤念孀婦孤甥孺人資饋不輟此又得太安人加惠意也子之伉儷各簡聘名家女姻奩豈緹戒以華侈而諸子媳不敢違所言以至祀先常典蘋蘩用潔因心達孝乃質石葺堂以逮所生焉尊親之之道此又善成松峯追遠之感也孺人閑家有則事無攸遂凡新堂構廣田園雖夫子綜理之力然輔勞就緒謂非孺人之功不可孺人其誠一女丈夫哉松峯暮年昆仲花萼春融怡之樂未始少倦視田氏咄諄荆誼相去何如是孺人之始也為賢女

繼也為賢婦終也為賢母倫美一身不賢而能之乎孺人諱素英生正德壬午年二月初二日歿萬曆辛巳年四月二十二日享年六十福祿赫隆生榮死哀寧復有餘憾哉前歲哭伯母陳氏之襯冒風卧床一週莫起憲長鰲翁深嘉其行名族慈順若華袞然豈虛美耶刻日舉喪親黨執紼先厝於水南書屋佳城尚卜吉焉長媳先藍氏繼鮑氏次媳黃氏三媳盧氏孫大賓大化大綱孫女招弟子因諸子請誌誼不敢辭遂併以銘焉銘曰

孺人之德

坤厚性成

孺人之行

闡範夙徵

婦林翹楚

內助蜚聲

識通大體

永終令名

香雲瘞玉

芳桂叢英

貞珉屹

子孫繩

貽褒疊錫

百代昌榮

萬曆壬午年十一月吉旦

三奉

詔進階朝請大夫直隸淮安府同知魯泉沂頓首拜書

庠彥松崖方公墓誌銘

君諱宗堯字允中別號松崖鄉進士學賓奇峯先生值下孫也
父弘倜儻多能卓播家聲三子君蓋長焉父早厭世宗孔宗舜
類以刀筆起家而扶植之力君則居多君孝母生事葬祭一循
禮度君性明達有機警談吐出人意外意表績學為邑庠彥試應藝
場為劉蕢下第者屢矣士咸惜之君迺毅然退曰命也如之何
由是得以綜理貨產視先業倍什伯而堂構任勞宅甲諸第煥
如也凡發謀慮必質正賢達而後行或遇宗黨不平之鳴遂義
聚同志卒理直之然善惡之念尤根所性雖親讎畧不少
避此君為人之槩有如此者子四冢器仲衢克成家務綽有餘
力仲子衍穎敏蘊藉補邑弟子貞躬校會文故譽彌特髦飛騰

可待叔仲衡季仲衡俱弱冠完室館師養正進猶未艾君方以
田園為樂忽一旦疾革呼集諸子而求訣之凡規家條緒巨細
詳囑與世之一切虛誕化之說命勿搖志觀其易簣之際叮嚀
教戒念不忘儒如此則平日精神心術之運從可知矣厥配劉
氏出鎮巨閩相夫益子之賢至今未倦女端秀締姻操外翰之
長子孫女催弟通聘於黃良醫之長男孫一來宜晬示英物將
采種君生嘉靖壬午年二月二十四日寅時歿於萬曆戊寅
年八月二十九日巳時考其壽僅五十七也越明年十一月十
二日舉行襄事卜宅兆於樵溪都林村之坦甲山庚向而君之
行諒備狀於縉紳長者矣仲子含哀以墓誌畀予為之既誌矣
似不可以無銘銘曰

君才天成

豐館蜚聲

退葺業

百出經營

馬帳課子

寶桂繁英

未老仙蛻

宰木佳城

千年玉

福祉永貞

青

萬曆七年歲在己卯一陽月吉日

奉

詔進階朝請大夫直隸淮安府同知叔七十翁魯泉沂頓首拜撰

松崖

文筆坊南峯方公墓誌銘

公諱鵬字萬程別號南峯周元老後裔也漢太常卿仙翁七世孫操公為晉兵部尚書十七傳而生唐進士干公是為鑑湖先生又十世而御史廷實公由祁門赤橋遷淳之興西鄉幼子友惠公復遷邑之文筆坊曾孫周卿公生秘書監丞元煥公子迪功郎應星公生惠華公中宋咸淳丁卯鄉進士又三傳而生宗武公公生仲四仲四生裕五裕五生員是為公父也公年十三遭外艱奉慈訓習舉子業性強記凡經史詩文一覽成誦為家政所窘遂謝志功名周旋幹蠱孝事祖母極其隆養弟鵬夭而無子歆以公次子為後公固讓伯氏克敦同胞之義鵬遺幼女公鞠育不殊已出長而適人捐貲為奩配李氏八芳孺人相敬

如賓外父多艱內弟先亡公生盡其養死為殯殮親黨咸以義
稱公存心坦易不立畦岬然性剛毅不可屈以勢待人多率直
而無矯強釋貌足恭之態遇事果敢有為常以身先即艱險有
所不避與朋友交重然諾隆敏信久而不失其大者好賢樂善
宗黨子弟有儒行者雅敬愛之子二長學時配李氏有克家志
次學敏邑庠生配吳氏孫四曰廷亨學時子也曰福隆補博士
弟子貞曰廷鳳曰廷鯨俱敏子諸子諸孫循々然閑於禮法而
不逐紛華皆公義方之教也公生於正德四年己巳八月十一
日亥時歿於萬曆十年壬午十二月二十三日酉時享年七十
二歲卜茲甲申年十一月十九日曆公柩於里仁都大嶺庄側之
原仲子學敏述公狀來丐余銘銘曰

孤矣能立

學矣未試

友愛克敦

睦姻以義

事不畏難

剛不屈勢

人謀必忠

然諾勿易

好賢嘉善

弗求克伎

後嗣克昌

登庸有期

綿々未艾

孰匪公遺

肯

萬曆十二年甲申孟冬月吉旦
賜進士及第中憲大夫福建按察司副使鰲峯祥頓首拜撰

南峯尾

大塢方辛十四公名仁受夫婦慈善好施因見本都道童塢崇福觀倒廢遂將土名曹家坦與兄弟連共基地壹所將伊分值下邊壹截告牒遷建改名崇真觀又將田地山共肆拾玖畝伍分盡捨入觀招住道士徐若水供奉香火立碑付管永代不許變賣夫婦俱厝觀內父乙八公塋在觀左屢塋觀內上下外共六所歷代祀守無異後因觀內地窄原向失真又經元亂值太祖高皇帝定鼎金陵之季道士玄立約復佃辛八辛九辛十六公各股原分連界已地叁股湊寬延至永樂二年復得改向營造遂獲重與約佃其地每年斷交賃租之麻壹拾秤被因道士程道與祖與情屬甥舅交租不便議前租價備酒禮五卓每年十二月二十四日規請辛八等公值下十叁股

到觀飲折前租今復每年照依前期規納原數旧租不
嘉靖甲子年縣貳老爹 刘到觀公餘覽碑感詰捨佃情由

因見辛十四公墳塌於公善果樂施俸銀令道領修公墳會
謂公以捨產立觀之陰功而感發刘候施俸重修之善政俾

大邑先世陳迹始獲增輝誠所謂仁人幸會千載一時

嘉靖廿七年縣主 蕭行查本觀田土本家將原捨碑内田地

山場依數查明存觀立祀

前觀捨佃本末碑記

距邑二十里有道院曰崇真其初名崇福住里之道童

塢肇初自元延佑中壬辰兵燹 里人方公仁受徒建之公

昆弟四伯仁義仲仁富季仁恭而公其叔也因捐地為院址

將家業田地山四十九畝有奇及捨入院以奉

慶於方來公歿合孺人孫氏厝道院之右而院歲供晨祀

及我

太祖高皇帝奄有版土定鼎金陵正院宇煥新而玄風丕振至

孝廟 登極越明已酉公之昆弟值下振玉等見道象

地窄原立向址失真恐後香火衰微議將上边連界其地佃

湊方便納租約証白官給牒兼請縉紳言立石以志其原

正德辛巳院四惟田祿石被連焚已而宮室昇新

嘉靖癸巳公之姪喬本常慮夫久迷所自命工琢珉于予為記之

常莫為之前雖美弗彰莫之為後雖盛弗傳方公慈善樂施

而是院金碧焜煌于昔矣使厥後匪賢達之裔則其豐功茂績不幾

草木同朽腐乎予既重本常請且視仁受公之善果與夫振玉之義績
不容以自揜故書此以志其偉末若夫茲院之靈勝主院者有道德可

述則又俟夫他石載余何贅又生而之命工將於千甲為

計開

所捨碑內田地山各處土墩具于后

名余師塢并余家住後早田壹畝共其畝柒分

名磚橋頭早田壹畝捌分 名陳克塢早田壹畝伍分

名黃小壠早田壹畝捌分 名葉家山早田貳畝

名葉家山晚田肆畝捌分 名吳八塢早田叁畝共貳畝伍分

名油滋坵麥地肆畝貳分 名小塢口晚田貳畝共壹畝玖分

名社垓前麥地貳畝壹分 名榮場栗地貳片壹畝陸分

名橫圳口棉花地壹畝貳分 名曹家坦麥地壹畝壹分

名曹家坦栗地壹畝捌分 名茶葉塢山貳畝

同处山壹畝 名魚步都蘇家塢口早田壹畝貳分

名揚梅坑山貳畝 名蘇家塢晚田貳畝貳分

名廟山下早田壹畝 名曹家坦觀基貳畝

奉直大夫知湖廣桂陽州事邑人戴錄簡之

撰文

鄉貢進士 竹城方清廉夫

方氏後裔 本常 本會 本良 重

本襄 進文 天受

天受

天盛 天福 天珊

六承即春月德 蘭德

茂顯

重修宗譜後裔 方大理

方九成 敬之 書

休邑山溪方氏譜錄

譜奚為而作哉著親、也由親而降而至親盡服絕聯屬一譜故
蘓氏曰觀吾譜者孝悌之心可油然而生矣予山溪方姓舊矣肇自
萬四公公諱叔林宋淳熙間由初閭赤橋卜宅茲地厥后綿、迨
我

太祖龍飛長傳七世宗義表士宜辟南京監冊主簿卒于官娶程
氏生丑童丑童表伯駢娶葉氏生思玉繼娶程氏生思順思順為
人後思玉娶鄧氏生子三彥政彥敏彥孜才德俱表一時而敏稱
最是吾高祖也號謁潭弘度碩德素活飢民命太守鄭褒嘉焉娶
胡氏生字清繼娶舒氏生拱辰是吾曾祖也表中正號珊溪居士
聞鄉之黃耆曰居士英偉特達事親孝處族睦言出而人信服無

遠迹卓哉一世人豪邑侯迎之享大賓宴正德辛巳捐世事推其
生則景泰甲戌也娶許氏生文錦文琳文琳予祖也表子儒號竹
坡生弘治癸丑於嘉靖癸卯卒後三載予始生稽之行狀人品奇
偉不凡少未遂舉業志乃遊江湖歷玩名山大川交接縉紳先生
縉紳先生愛其文雅咸樂為之友家居善繼述撫孤幼解爭忿怡
然飲人以和而中有確乎不可拔者人皆知為隱德君子也娶鄧
氏安人于正德丁丑生子父諱祖沾表伯而號西郊幼治尚書
早失怙恃遂勤厥家以光先業崇儒禮士處身名教不求聞于世
而人多知之授予尚書故予獲觀國之光娶汪氏安人少父一歲
慈仁寬厚家政肅然而猶有孟堂之遺風予庶弟廷翰孟嗣尚書
並受尚書業次尚煦尚休尚然尚烝尚烈尚杰尚黠音父而上為

吾祖之兄曰文錦生祖世祖皆祖皆曾祖之兄曰宇清生文政文
顯高祖之兄曰彦政生永番永存永和德釗德修弟曰彦孜生岩
憲岩懋岩思岩愈岩惠其胤英、為都邑望者不可一二數迄今
人文並進於古昔矣能殫述哉要之皆本思玉而宗士宜其大原
則出自萬四公也若他旁傳則姑置焉赤橋宗一鳴君率輯譜牒
仁宗親也予山溪實其宗裔畧敘以附之亦不欲自外于親、也
且俾後勿至途人耳矣

萬曆甲申夏之吉山溪主人雲台方廷正書

山溪譜錄尾

方氏宗譜後序

吾宗系出源委支派分布與夫厥居遷徙之里地
歷代鉅卿名公文人傑士之迭出他譜雖有紀述
多謬而弗釐斷而不續者未足為信譜幸而昆季
中鰲峯出焉本班馬才華蘊藉該博之學且嘗剔
歷中外繙閱諸史凡姓氏之因生從出靡不辨覈
慨諸宗之譜真贗訛舛不一迺加彙括考訂上自
得姓以迄今代編為方氏大宗之譜且叙諸首簡
明而不淆信而無疑如萬叢之木無枝不分百練


之絲無縷不析其教誠警惕族衆數語真足以懾
伏人心信今傳後體材備矣予復何言惟申諸末
簡以告宗之長幼尊卑其知譜之義矣乎又知
求墓合祔脩譜之本真矣乎孔子曰睦於父母之
黨可謂孝矣故老泉之作譜自緦麻以至於親盡
而無服周卹慶唁雖極踈遠益惇愛敬不至於忽
忘真得夫子睦族孝親之道矣吾宗長幼尊卑幸
相與篤水木本源之念喜必慶憂必吊相遇有禮
不視為途人雨露既濡之時則相與奠拜於祖墓

春秋歲時則相與祭會於宗祠更所望者敬老慈
幼扶傾濟危貧而無歸則富者周之鰥寡廢疾皆
有所養其頑慢弗率圯族毀倫之子若孫則尊長
率衆以家法糾繩之不使為先人辱則斯譜也足
為家之典則賢不肖之昭鑒不徒文焉已也同宗
其勗諸

大明萬曆十二年歲次甲申二月望日

浮邑裔孫開封府教授曉山文煇書





Handwritten text in Chinese characters, likely bleed-through from the reverse side of the page. The text is faint and difficult to read but appears to be organized into a list or table format.

